

七十家賦鈔

七十家賦鈔序

傳曰不歌而誦謂之賦登高能賦可以爲大夫言感物造端材知深美故可以爲列大夫蓋賦者詩之諷諫書之反覆禮之博奧約而精之以情爲表以理爲職以信爲端倪者也楚人以後漢臣最工孝成之世奏御者千有餘篇如藝文志辭賦略所載者是而存者不能什一可歎也魏晉宋齊梁陳之士祖述憲章或託物以貢情或隱憂而不去引辭表悵觸類而發咸無悖乎六義之意同年張編修皋文少好文選辭賦嘗屏他務窮日夜爲之卒乃歸於治經然辭賦亦不廢蓋以爲先士之盛藻詩人之墜典於是乎存焉而後之作者志益寡而辭益俳逐物而不反難可復理乃錄自屈原荀卿至於庾信發其奧趣備辭賦一家之學司馬長卿曰合綦組以成文列錦繡以爲質一經一緯

一宮一商此賦之迹也若賦家之心控引天地總覽人物  
錯綜古今此得之於內不可得而言傳然其所爲大人賦  
本欲以諷求僊之事而武帝讀之乃飄飄有凌雲氣游天  
地之間意故揚子雲以爲靡麗之辭勸百而諷一也學者  
由君之論定軌遺文之逸軌倘無爲子雲之所議則君之  
所待於後者爾余爲刻其遺書并及是編因序而論之道  
光元年五月合河康紹鏞序

七十家賦鈔錄目

屈原離騷 九歌十一篇 天問 九章九篇 遠游

卜居 漁父

宋玉九辯十篇 招魂

景差大招

賈誼惜誓

淮南小山招隱士

東方朔七諫八篇

莊忌哀時命

劉向九歎九篇

揚雄反離騷

枚乘七發八篇

曹植七啓八篇

張協七命八篇

右賦十二家八十二篇

荀況賦六篇

宋玉風賦 高唐賦 神女賦 登徒子好色賦 諷賦

笛賦 鈞賦 大言賦 小言賦

右賦二家重一家十五篇

賈誼弔屈原賦 服鳥賦

枚乘梁王菟園賦

鄒陽酒賦

公孫乘月賦

漢武帝悼李夫人賦

司馬相如子虛賦 上林賦 哀二世賦 大人賦 長

門賦 美人賦

淮南王安屏風賦

孔臧鶡賦

董仲舒山川頌二篇

司馬遷悲士不遇賦

中山王文本賦

王褒洞簫賦

班婕妤自傷悼賦

揚雄甘泉賦 河東賦

羽獵賦

長楊賦

太元賦

逐貧賦 蜀都賦

劉歆逐初賦

班彪北征賦

右賦十六家重三家二十九篇

梁鴻適吳賦

崔篆慰志賦

馮衍顯志賦

杜篤論都賦

梁竦悼騷賦

班固幽通賦

兩都賦二篇

傅毅舞賦

張衡二京賦二篇

南都賦

思元賦

歸田賦

王延壽魯靈光殿賦

馬融廣成頌

長笛賦

蔡邕述行賦

短人賦

邊韶塞賦

邊讓章華賦

禰衡鸚鵡賦

右賦十四家二十二篇

王粲登樓賦

文帝柳賦

陳思王植洛神賦

感節賦

鵲雀賦

邯鄲淳投壺賦

何晏景福殿賦

下蘭許昌宮賦

嵇康琴賦

阮籍東平賦

首陽山賦

右賦八家重一家十一篇

向秀思舊賦

張華鷁鵠賦

歸田賦

木華海賦



陸機文賦 歎逝賦

陸雲歲暮賦

左思三都賦三篇

潘岳笙賦 藉田賦 秋興賦 閒居賦 射雉賦 懷

舊賦 寡婦賦 悼亡賦

摯虞思遊賦

成公綏嘯賦

郭璞江賦

孫綽遊天台山賦

右賦十一家二十二篇

傅亮九月九日登凌器館賦 感物賦

謝惠連雪賦

謝莊月賦

顏延之赭白馬賦

鮑昭蕪城賦 舞鶴賦 游思賦

右賦五家八篇

張融海賦

右賦一家一篇

簡文帝箏賦 對燭賦

江淹去故鄉賦 江上之山賦 別賦 恨賦 麗色賦

學梁王菟園賦 橫吹賦

沈約郊居賦

陸倕思田賦

右賦四家十一篇

江總修心賦

右賦一家一篇

庾信枯樹賦

哀江南賦

小園賦

春賦

右賦一家四篇

凡賦七十家二百六篇通人碩士先代所傳奇辭奧旨備於此矣其離章斷句闕佚不屬者與其文不稱辭者皆不與是論曰賦烏乎統曰統乎志志烏乎歸曰歸乎正夫民有感於心有概於事有達於性有鬱於情故有不得已者而假於言言象也象必有所寓其在物之變化天之濔濔地之囂囂日出月入一幽一昭山川之崔嵬杳伏畏佳林木振砢谿谷風雲霧霽震寒暑雨則爲雪霜則爲露生殺之代新而嬗故鳥獸與魚草木之華蟲走螳趨陵變谷易震動薄蝕人事老少生死傾植禮樂戰鬪號令之紀悲愁勞苦忠臣孝子羈士寡婦愉佚愕駭有動於中久而不去然後形而爲言於是錯綜其辭回互其理鏗鎗其音以

求理其志其在六經則爲詩詩之義六曰風曰賦曰比曰興曰雅曰頌六者之體主於一而用其五故風有雅頌焉七月是也雅有頌焉有風焉烝民崧高是也周澤衰禮樂缺詩終三百文學之統熄古聖人之美言規矩之奧趣鬱而不發則有趙人荀卿楚人屈原引辭表旨譬物連類述三王之道以譏切當世振塵滓之澤發芳香之鬯不謀同侑竝名爲賦故知賦者詩之體也其後藻麗之士祖述憲章厥製益繁然其能之者爲之愉暢輸寫盡其物和其志變而不失其宗其淫宕佚放者爲之則流遁忘反壞亂而不可紀譎而不觚盡而不覈肆而不衍比物而不醜其志濫其物芳其道杳冥而有常此屈平之爲也與風雅爲節渙乎若翔風之運輕赧灑乎若元泉之出乎蓬萊而注渤解及其徒宋玉景差爲之其質也華然其文也縱而後反

雖然其與物推拍宛轉洽然其義轂輳於物芴芴乎古之徒也剛志決理輓斷以爲紀內而不汙表而不著則荀卿之爲也其原出於禮經樸而飾不斷而節及孔臧司馬遷爲之章約句制稟不可理其辭深而旨文確乎其不頗者也其趣不兩其於物無弼若枝葉之附其根本則賈誼之爲也其原出於屈平斷以正誼不由其曼其氣則引費而不可執循有樞執有廬頡滑而不可居開決匿突而與萬物都其終也芴莫而神明爲之橐則司馬相如之爲也其原出於宋玉揚雄恢之脇入竅出緣督以及節其超軼絕塵而莫之控也其波駭石罅而沒乎其無垠也張衡肝肝塊若有餘上與造物爲友而下不遺埃壙雖然其神也充其精也茶及王延壽張融爲之傑格拮擻鉤子敢悟而俶倓可觀其於宗也無蛻也平敞通洞博厚而中大而無鄒

孫而無弧指事類情必偶其徒則班固之爲也其原出於  
相如而要之使夷昌之使明及左思爲之博而不沈贍而  
不華連舛焉而不可止言無端厓傲倪以爲質以天下爲  
邪廓入其中者眩震而謬悠之則阮籍之爲也其原出於  
莊周雖然其辭也悲其韻也迫憂患之辭也塗澤律切荇  
藪紛悅則曹植之爲也其端自宋玉而枋其角摧其牙離  
其本而抑其未浮華之學者相與尸之率以變古摺摺平  
改繩墨易規矩則佞之徒也不捐於同不獨於異其來也  
首首其往也曳曳動靜與適而不爲固植則陸機潘岳之  
爲也其原出於張衡曹植矯矯乎振時之儔也以情爲裏  
以物爲襮鑣雕雲風琢削支鄂其懷永而不可忘也全乎  
其氣煊乎其華則謝莊鮑昭之爲也江淹爲最賢其原出  
於屈平九歌其掩抑沈怨泠泠輕輕其縱脫浮宕而歸大

常鮑昭江淹其體則非也其意則是也逐物而不反駘蕩  
而駁舛俗者之囿而古是抗其言滑滑而不背於塗奧則  
庾信之爲也其規步矐驟則楊雄班固之所引銜而控轡  
惜乎拘於時而不能騁然而其志達其思哀其體之變則  
窮矣後之作者慨乎其未之或聞也乾隆五十有七年四  
月日武進張惠言

賦鈔卷一

楚辭十二家八十二篇

屈平二十五篇 宋玉十一篇 景差一篇 賈誼一篇

淮南小山一篇 東方朔八篇 莊忌一篇 劉向九

篇 揚雄一篇 枚乘八篇 曹植八篇 張協八篇

屈原離騷○○○

帝高陽之苗裔兮朕皇考曰伯庸攝提貞於孟陬兮惟庚寅吾以降皇覽揆余選下有於字初度兮肇錫余以嘉名名余

曰正則兮字余曰靈均紛吾既有此內美兮又重之以修能扈江離與辟芷兮紉秋蘭以爲佩汨余若將不及兮恐年歲之不吾與朝搴阰之木蘭兮夕攬洲之宿莽日月忽其不淹兮春與秋其代序惟草木之零落兮恐美人之遲暮不撫壯而棄穢兮何不改乎此度也乘騏驎以馳騁兮



來吾道。夫先路。昔三后之純粹。兮固衆芳之所在。雜申椒  
與菌桂。兮豈惟紉夫蕙芷。彼堯舜之耿介。兮既遵道而得  
路。何桀紂之猖披。兮夫惟捷徑以窘步。惟夫選無此字黨人之  
偷樂。兮路幽昧以險隘。豈余身之憚殃。兮恐皇輿之敗績。  
忽奔走以先後。兮及前王之踵武。荃不察余之中情。兮反  
信讒而齎怒。余固知謇謇之爲患。兮忍而不能舍也。指九  
天以爲正。兮夫惟靈脩之故也。初既與余成言。兮後悔遁  
而有他。余既難夫選無此字離別。兮傷靈脩之數化。余既滋  
蘭之九畹。兮又樹蕙之百畝。畦留夷與揭車。兮雜杜蘅與  
芳芷。冀枝葉之峻茂。兮願歲時乎吾將刈。雖萎絕其亦何  
傷兮。哀衆芳衆芳即指道德舊謂衆賢非是之蕪穢。以上一節傷有道不見用衆皆競  
進以貪婪。兮馮不厭乎求索。羌內恕己以量人。兮各興心  
而嫉妬。忽馳騁以追逐。兮非余心之所急。老冉冉其將至

兮恐脩名之不立朝飲木蘭之墜露兮夕餐秋菊之落英  
苟余情其信姱以練要兮長願頌亦何傷擘木根以結芷  
兮貫薜荔之落葉矯菌桂以紉蕙兮索胡繩之纚纚謇吾  
法夫前脩兮非世俗之所服雖不同於今之人兮願依彭  
咸之遺則彭咸之遺則謂其道也彭咸之所居謂其死也不可混看長太息以掩涕兮  
哀民生之多艱余雖好修姱以鞿羈兮謇朝諝而夕替兮  
替余以蕙纓兮又申之以攬芷亦余心之所善兮雖九死  
其猶未悔怨靈脩之浩蕩兮終不察夫民心衆女嫉余之  
蛾眉兮謠諑謂余以善淫固時俗之工巧兮偃規矩而改  
錯背繩墨以追曲兮競周容以爲度忼鬱邑余侘傺兮吾  
是無獨窮困乎此時也甯溘死以流亡兮余不忍爲此態  
也鷺鳥之不羣兮自前世而固然何方圓之能周兮夫孰  
異道而相安屈心而抑志兮忍尤而攘詬伏清白以死直

分固前聖之所厚以上一節言不特修名不悔相道之不

察兮延佇乎吾將反回朕車以復路兮至死及行迷之未遠步

余馬於蘭皋兮馳椒邱且焉止息進不八以離尤兮退將

復修吾初服製芰荷以為衣兮集芙蓉以為裳不吾知其

亦已兮苟余情其信芳高余冠之岌岌兮長余佩之陸離

芳與澤其雜糅兮惟昭質其猶未虧忽反顧以遊目兮將

往觀乎四荒佩繽紛其繁飾兮芳菲菲其彌章民生各有

所樂兮余獨好脩以為常雖體解吾猶未變兮非余心之

可懲此節言將高隱而不忍甯遭嫉妬不以避禍女嬃之

婁媛兮申申其詈予曰鮌婁婁直以亡身兮終然歿乎羽之

野汝何博謇而好脩兮紛獨有此姱節蕢菜施以盈室兮

判獨離而不服衆不可戶說兮孰云察余之中情世並舉

而好朋兮夫何獎獨而不余聽以上女嬃辭依前聖以節

勸以貶節

而好朋兮夫何獎獨而不余聽以上女嬃辭依前聖以節

中兮喟憑心而歷茲濟沅湘以南征兮就重華而陳詞啓  
九辯與九歌兮夏康娛以自縱不顧難以圖後兮五子用  
失乎家巷羿淫遊以佚畋兮又好射乎封狐國亂流其鮮  
終兮浞又貪夫厥家澆身被服強圉兮縱欲殺而不忍且  
康娛而自忘兮厥首用夫顛隕夏桀之常違兮乃遂焉而  
逢殃后辛之菹醢兮殷宗用而不長湯禹儼而祇敬兮周  
論道而莫差舉賢而授能兮循繩墨而不頗皇天無私阿  
兮覽民德焉錯輔夫惟聖哲以茂行兮苟得用此下土瞻  
前而顧後兮相觀民之計極夫孰非義而可用兮孰非善  
而可服陸余身而危死兮覽余初其猶未悔不量鑿而正  
桷兮固前脩以菹醢曾飲歎余鬱邑兮哀朕時之不富攬  
茹蕙以掩涕兮霑余襟之浪浪以上陳辭重華  
言道不可貶跪敷衽以  
陳辭兮耿吾旣得此中正馳玉虬以乘鸞兮溘埃風余上

征援上往觀四荒謂以道驅馳也朝發朝於蒼梧兮夕余至于縣圃欲少  
留此靈瑱兮日忽忽其將暮吾合羲和弭節兮望崦嵫而  
勿迫路曼曼其脩遠兮吾將上下而求索上謂君下謂臣  
王也高邱無飲余馬於咸池兮總余轡乎扶桑折若木以  
拂日兮聊逍遙須臾以相羊前望舒使先驅兮後飛廉使  
奔屬鸞皇爲余先戒兮雷師告余以未具吾合鳳鳥飛騰  
兮選鳥作皇兮繼之以日夜飄風屯其相離兮帥雲霓而  
來徇紛總總其離合兮斑陸離其上下吾合帝閭開闔兮  
倚閭闔而望予時曖曖其將罷兮結幽蘭而延佇世溷濁  
而不分兮好蔽美而嫉如朝吾將濟於白水兮登閭風而  
緹馬忽反顧以流涕兮哀高邱之無女溘吾遊此春宮兮  
折瓊枝以繼佩及榮華之未落兮相下女之可詒吾合豐  
隆乘雲兮求宓妃之所在解佩纕以結言兮吾合裴修以

爲理紛總。總其離合。今忽緯繡其難遷。夕歸次於窮石。今朝濯髮乎洧盤。改厥美以驕敖。今日康娛以淫遊。雖信美而無禮。今來違棄而改求。卽蘭芷變而不芳之意覽相觀於四極。今周流乎天余。乃下望瑤臺之偃蹇。今見有娥之佚女。吾令鳩爲媒。今鳩告余以不好。雄鳩之鳴逝。今余猶惡其佻巧。心猶豫而狐疑。今欲自適而不可。鳳皇旣受詒。今恐高辛之先我。欲遠集而無所止。今聊浮游以逍遙。及少康之未家。今留有虞之二姚。理弱而媒拙。今恐導言之不固。世溷濁而嫉賢。今好蔽美而稱惡。閨中旣以遠。遠今哲王又不寤。懷朕情而不發。今余焉能忍與此終古。以土一節言以道誘懷楚之君

能悟

索薏茅以筵筭。今命靈氛爲余占之。曰兩美其必

合。今孰信脩而慕之。思九州之博大。今豈惟是其有女。惟求女不可得。曰勉遠逝而無狐疑。今孰求美而釋女。何所獨

無芳草兮爾何懷乎故宇世幽昧以眩曜兮孰云察余之

善選作美惡民好惡其不同兮惟此黨人其獨異戶服艾以

盈要兮謂幽蘭其不可佩覽察草木其猶未得兮豈瑾美

之能當蘇糞壤以充幃兮謂中椒其不芳以上靈氛辭欲

從靈氛之吉占兮心猶豫而狐疑巫咸將夕降兮懷椒楸

而要之百神翳其備降兮九嶷續其並迎皇剡剡其揚靈

兮告余以吉故曰勉陞降以上下兮求榘矱之所同湯禹

嚴而求合兮摯咎繇而能調苟中情其好脩兮又選無此字何

必用夫行媒說操築於傅巖兮武丁用而不疑呂望之鼓

刀兮遭周文而得舉甯戚之謳歌兮齊桓聞以該輔及年

歲之未晏兮時亦猶其未央恐鵲鵲之先鳴兮使夫選無此字

百草爲之不芳何瓊佩之偃蹇兮衆憂然而蔽之惟此黨

人之不諒兮恐嫉妬而折之巫咸之言以嫉妬折之爲時

續紛其變易兮又何可以淹留蘭芷變而不芳兮荃蕙化而爲茅何昔日之芳草兮今直爲此蕭艾也豈其有他故兮莫好脩之害也余以蘭爲可恃兮羌無實而容長委厥美以從俗兮苟得列乎衆芳椒專佞以慢愎兮櫟又欲充夫其選作佩幃旣干進而務入兮又何芳之能祗固時俗之從流兮又孰能無變化覽椒蘭其若茲兮又況揭車與江離惟茲佩其可貴兮委厥美而歷茲芳菲菲而難虧兮芬至今猶未沫和調度以自娛兮聊浮游而求女及余飾之方壯兮周流觀乎上下以上巫咸詞言楚不可留靈氛旣告余以吉占兮歷吉日乎吾將行折瓊枝以爲羞兮精瓊靡以爲糧爲余駕飛龍兮雜瑤象以爲車何離心之可同兮吾將遠逝以自疏九州求女固所不忍而嫉妬之折又可畏則有遠逝自疏聊以遠害耳而又不可忍故決從彭咸所居也遭吾道夫崑崙兮路脩遠以周流揚雲霓之晻藹兮鳴



玉鸞之啾啾朝發軔於天津兮夕余至于西極鳳皇翼其  
承旂兮高翔翔之翼翼忽吾行此流沙兮遵赤水而容與  
麾蛟龍使梁津兮詔西皇使涉予路脩遠以多艱兮騰衆  
車使徑待路不周以左轉兮指西海以爲期屯余車其干  
乘兮齊玉軼而並馳駕八龍之婉婉兮載雲旗之委蛇抑  
志而弭節兮神高馳之邈邈奏九歌而舞韶兮聊假日以  
娛樂陟陞皇之赫戲兮忽臨睨夫舊鄉僕夫悲余馬懷兮  
蜷局顧而不行亂曰已矣哉國無人莫我知兮又何懷乎  
故都既莫足與爲美政兮吾將從彭咸之所居願俟時平  
以自疏吾將從彭咸之所居玉句爲層次

屈原九歌

吉日兮辰良穆將愉兮上皇撫長劒兮玉珥穆鏘鳴兮射  
琅璫席兮玉璫盍將把兮瓊芳蕙肴蒸兮蘭藉奠桂酒兮

椒漿揚杓兮拊鼓疏緩節兮安歌陳竽瑟兮浩倡靈偃蹇兮姣服芳菲菲兮滿堂五音紛兮繁會君欣欣兮樂康

東皇太一

此言以道承君冀君之樂已十一篇連讀

浴蘭湯兮沐芳華采衣兮若英靈連蜷兮既留爛昭昭兮未央蹇將憺兮壽宮與日月兮齊光龍駕兮帝服聊翱遊兮周章靈皇皇兮既降焱遠舉兮雲中覽冀州兮有餘橫四海兮焉窮思夫君兮太息極勞心兮慙慙

雲中君

言君苟用己則可以安覽天下惜此會之不可得也

君不行兮夷猶蹇誰留兮中洲美要眇兮宜修沛吾乘兮

桂舟令沅湘兮無波使江水兮安流望夫君兮未歸選作來

吹參差兮誰思駕飛龍兮北征遭吾道兮洞庭薜荔拍兮

蕙綢蓀橈兮蘭旌

選蓀橈作承莖橈

望涔陽兮極浦橫大江兮揚

靈揚靈兮未極女嬋媛兮爲余太息橫流涕兮潺湲隱思

君兮。陴側。桂。權兮。蘭。杜。斲。冰兮。積。雪。采。薜。荔兮。水。中。攀。芙。蓉兮。木。末。心。不。同兮。媒。勞。恩。不。甚兮。輕。絕。石。瀨兮。淺。淺。飛。龍兮。翩。翩。交。不。忠兮。怨。長。期。不。信兮。告。余。以。不。閒。鼉。騶。驚。兮。江。皋。夕。弭。節兮。北。渚。鳥。次兮。屋。上。水。周兮。堂。下。捐。余。袂兮。江。中。遺。余。佩兮。醴。浦。采。芳。洲兮。杜。若。將。以。遺。兮。下。女。皆。不。可兮。再。得。聊。逍。遙兮。容。與。

湘君

此離騷所謂  
昔王不悟也

帝。子。降。兮。北。渚。目。眇。眇兮。愁。予。嫋。嫋兮。秋。風。洞。庭。波。兮。木。葉。下。白。蘋。選作兮。騁。望。與。佳。期兮。夕。張。鳥。萃兮。蘋。中。曾。何。爲兮。木。上。沉。有。芷兮。醴。有。蘭。思。公。子兮。未。敢。言。荒。忽兮。遠。望。觀。流。水兮。潺。湲。康。何。食兮。庭。中。蛟。何。爲兮。水。裔。朝。馳。余。馬兮。江。皋。夕。濟兮。西。澨。聞。佳。人兮。召。予。將。騰。駕兮。偕。逝。築。室兮。水。中。葺。之。兮。荷。蓋。選荷上  
有以字蓀。壁兮。紫。壇。茝。芳。椒兮。成。

堂桂棟兮蘭橈辛夷楣兮葯房罔薜荔兮爲帷擗蕙櫨兮  
旣張白玉兮爲鎮疏石蘭兮爲芳芷葺兮荷屋繚之兮杜  
蘅合百草兮實庭建芳馨兮廡門九疑繽兮並迎靈之來  
兮如雲捐余袂兮江中遺余褋兮醴浦蹇汀洲兮杜若將  
以遺兮遠者時不可兮驟得聊逍遙兮容與

湘夫人

此離騷比君故湘夫人比椒蘭  
此離騷所謂閨中遠遠也

廣開兮天門紛吾乘兮元雲令飄風兮先驅使凍雨兮灑  
塵君迴翔兮以下踰空桑兮從女紛紛總總兮九州何壽夭  
兮在子高飛兮安翔乘清氣兮御陰陽吾與君兮齋速導  
帝之兮九坑靈衣兮被被玉佩兮陸離壹陰兮壹陽衆莫  
知兮余所爲折疏麻兮瑤華將以遺兮離居老冉冉兮旣  
極不遠近兮愈疏乘龍兮驂驂高馳兮沖天結桂枝兮延  
佇羌愈思兮愁人愁人兮奈何願若今兮無虧固人命兮

有當孰離合兮可爲

大司命

惜往日之會信也

秋蘭兮麝蕪羅生兮堂下綠葉兮素枝

選作華

芳菲菲兮襲

予夫人自有兮美子孫何已

選作爲

兮愁苦秋蘭兮青青綠

葉兮紫莖滿堂兮美人忽獨與余兮目成入不言兮出不

辭乘回風兮載雲旗悲莫悲兮生別離樂莫樂兮新相知

荷衣兮蕙帶儵而來兮忽而逝夕宿兮帝郊君誰須兮雲

之際

選下有與汝游兮九河與起兮水揚波

與女沐兮咸池晞女髮兮陽之

阿

選女並

望美人兮未來臨風恍兮浩歌孔蓋兮翠旂登

九天兮撫彗星竦長劒兮擁幼艾孫獨宜兮爲民正

少司命

大司命此懷王少司命又此子蘭秋蘭目子蘭孫目君也所美果美君何愁苦乎

暾將出兮東方照吾檻兮扶桑撫余馬兮安驅夜皎皎兮

旣明駕龍輶兮乘雷載雲旗兮委蛇長太息兮將上心低

徊兮顧懷羌聲色兮娛人觀者瞻兮忘歸經瑟兮交鼓簫  
鐘兮搖篴鳴篳兮吹竽思靈保兮賢姱翺飛兮翠曾展詩  
兮會舞應律兮合節靈之來兮蔽日靈保謂賢臣青雲  
衣兮白霓裳舉長矢兮射天狼操余弧兮反淪降援北斗  
兮酌桂漿撰余轡兮高馳翔杳冥冥兮以東行

東君

傷頃襄也嗣政之初如日方出  
豈意聲色是娛終於杳冥乎

與女遊兮九河衝風起兮橫波乘水車兮荷蓋駕雨龍兮  
慘融登崑崙兮四望心飛揚兮浩蕩日將暮兮悵忘歸惟  
極浦兮寤懷魚鱗屋兮龍堂紫貝闕兮朱宮靈何爲兮水  
中乘白鼉兮逐文魚與女遊兮河之渚流澌紛兮將來下  
子交手兮東行送美人兮南浦波滔滔兮來迎魚隣隣兮  
媵予

河伯

此章被懷  
涉之志

若有人兮山之阿被薜荔兮帶女羅既含睇兮又宜笑子

慕子兮善窈窕乘赤豹兮從文狸辛夷車兮結桂旗被石

蘭兮帶杜蘅折芳馨兮遺所思余處幽篁兮終不見天路

險難兮獨後來表獨立兮山之上雲容容兮而在下杳冥

冥兮羌晝晦東風飄兮神靈雨留靈脩兮憺忘歸歲既晏

兮孰華子雲在下蔽之也晝晦蔽之甚也故曰孰華子采三秀兮於山間石磊

磊兮葛蔓蔓怨公子兮悵忘歸君思我兮不得聞君思我而公子

蔽之所以怨也山中人兮芳杜若飲石泉兮蔭松柏君思我兮然

疑作雷填填兮雨冥冥後啾啾兮又選選選選作夜鳴風颯颯兮

木蕭蕭思公子兮徒離憂雷填雨冥以比國危禍成於公子故曰思公子兮徒離憂

山鬼雖死不忘君故以山鬼自比予山鬼子君與公子也

操吳戈兮被犀甲車錯轂兮短兵接旌蔽日兮敵若雲矢

交墜兮士爭先凌余陣兮躐余行左騶騖兮右刃傷霾兩

輪兮繫四馬援玉枹兮擊鳴鼓天時墜兮威靈怒嚴殺盡  
兮棄原塋出不入兮往不反平原忽兮路超遠帶長劍兮  
挾秦弓首身離兮心不懲誠既勇兮又以武終剛強兮不  
可凌身既死兮神以靈子魂魄兮爲鬼雄

國殤

以忠死故  
比國殤

成禮兮會鼓傳芭兮代舞姱女倡兮容與春蘭兮秋菊長  
無絕兮終古

禮魂

幾知我者於  
百世之下

屈原天問

屈原天問六詩之比。也宋玉招魂乃是興

曰遂古之初誰傳道之上下未形何由考之明昭普閭誰

能極之

明昭普閭渾  
沌窈冥也

馮翼惟像何以識之

淮南子云天墜  
未形馮馮翼翼

之貌

明明閭閻惟時何爲

明明閭閻  
晝夜也

陰陽三合何本何

化

有物混成先天地生天地得之以清甯人君得之以  
治政遠游曰道可受兮不可傳庶類以成兮此德之門



凡言何者非有所疑欲圖則九重孰營度之淮南子云惟藉以告君冀幸一悟也

茲何功孰初作之幹維焉繫天極焉加四維極也幹維天八

柱何當東南何虧洪興祖云河圖言崑崙者地之中也地

九天之際安放安屬隈隅多有誰知其數淮南子云天有

九十九隅注九野九天之野一野于一百一十一隅天何所啓十二焉分王逸云

十二辰天地定日月安屬列星安陳日月星辰天地

之出自湯谷次於蒙汜自明及晦所行幾里夜光何德死

則又育厥利維何而顧菟在腹王云夜光月也言月之德

生亦如日之明晦不息也何利於顧菟而藏之腹乎日

陽德君道也懷襄偷情非健行也月陰德婦道臣道也都

池子蘭包藏姦女歧無合夫焉取九子王云女歧神女伯

僞則顧菟也強何處惠氣安在王云伯強大屬疫何闔而晦何開而明

角宿未旦曜靈安藏王云曜靈日月五星所出經緯之

政有生殺張弛出必有門行必有端不任汨鴻師何以

以上為一節舉造物端委權與人事

之言王云汨治也鴻大永也師衆尙舉也僉曰何憂何不課

而行之言衆皆以鯀治水衆人何以舉之乎鴟鵂鴟鵂何聽

焉王云鯀死鴟鵂而行之乎明鯀自有才鴟鵂鴟鵂何聽

帝何刑焉鯀設能順衆人之欲以成功帝何爲永遏在羽

山夫何三年不施王云施伯禹腹鯀夫何以變化出入腹

我懷我懷也纂就前緒遂成考功何績初繼業而厥謀不同洪泉

極深何以寘之古實通地方九則何以墳之九則九州也應

龍何畫河海何歷王云禹治洪水時有神龍以尾畫地導

天地之事故舉鯀禹治水以爲人事發端鯀婢直以亡身

禹亦祗纂鯀之緒而不成敗相反則順欲與違道異耳鴟鵂

也鯀何所營禹何所成康回馮怒墜何故以東南傾王云

共工名也淮南子言共工與顓頊爭爲帝不得怒而觸不

周之山天維絕地柱折故東南傾也鯀營之禹成之其

難如是至康回則一怒敗之所以治所以亂何耶碎碎云

彼堯舜之耿介兮既遵道而得路夫何桀紂之猖披兮夫

惟捷徑以窮步即順欲之意也九州安錯川谷何沱王云下交乃指言治道而歸本君明

東流不溢孰知其故蒙上東西南北其修孰多南北順墜其衍幾何天地東西短南北長崑崙縣圖其尻安在

增城九重其高幾里四方之門其誰從焉西北辟啓何氣

通焉王云崑崙山元氣所出其輿曰縣圖乃上通於天也

崑崙虛五橫維其西北隅比門開以納不周之風也又

地之大而崑崙增城爲之橐籥天與地之遠而崑崙辟啓

元氣相通示爲政之有要道不遠而可求也東西橫南

連橫亦微見之日安不到燭龍何照洪云淮南子言燭

委羽之山不見日其神羲和之未揚若華何光何所冬暖

人所夏寒承上言操橐籥在焉有石林何獸能言

蓋隱焉有虬龍負熊以遊雄虺九首儵忽焉在招魂南

來儵忽何所不死長人何守王云括地象日有不死之

封焉之山靡萍九衢泉華安居靡萍泉華未詳蓋亦毒草九衢

四備少室山有木名帝休其一蛇吞象厥大何如洪云山海經南  
 海內有巴蛇食象黑水元趾三危安在延年不死壽何所  
 止之黑水元趾三危陵魚何所慙堆焉處  
 如堆而白首良足名曰慙雀食人字書鵲音隹號山有鳥狀  
 慙堆而白首良足名曰慙雀食人字書鵲音隹號山有鳥狀  
 日中其九日日中九鳥皆死墮其羽翼言政失節使羣  
 邪害國能言爲讒負熊爲比九首爲素主不死非常性長  
 人非常形靡萍菓華枝葉分布吞象言害大不死言害遠  
 所警況與鳴寢食人思得昇之彈日解去之而不能也諸  
 節明治亂之道以下乃比楚事切言之禹之力獻功降省  
 下土四方焉得彼龔山女而通之台桑  
 通夫婦之道閔妃匹合厥身是繼胡維嗜不同味而使鼃  
 於台桑之地閔妃匹合厥身是繼胡維嗜不同味而使鼃  
 飽言再憂無妃匹而欲身立繼爾何以四日便舍去如食  
 厥身是繼卽舍去懷啓代益作后卒然離暨  
 王解弗袖以至惜啓代益作后卒然離暨  
 之野說者以有扈氏與夏同姓啓繼世以有扈啓惟憂而  
 天下有扈不服大戰于甘故曰卒然離暨也

能拘是達

惟思也拘王云隔也言啓思皆歸歟

而無害

厥躬何后

益作革而禹播降啓棘賓商九辯九歌何勤子

屠母而死

分竟地爲洪云凡能取中皆日賦籍窮也言啓所

也離騷云啓九辯與九歌今夏康娛以自縱不顧難以下國

後今五子用失乎家巷山海經云夏后上三墳於天得九

辯與九歌以下注云昌天帝樂名啓登天而寤之以下國

語云啓有五觀以爲姦子韋昭注五觀啓子太康昆弟觀

于洛納引書序云太康失國昆弟五人須于洛納蓋啓晚

年自縱不節故及子而失國五子降居閭巷則此云死分

竟地蓋指此也特勤子屠母不可考耳此言啓之所爲中

理窮情而無所害於其身卽與禹益何異乃自得九辯九

歌而康娛自縱遂至死分竟地也竟境何異乃自得九辯九

賓列也言啓陳列商聲之樂傷頃襄也繼世之王云棘陳也

不難難則謂及子帝降夷羿革孽下民帝夏后胡胡

孫況不如啓子

夫河伯而妻彼洛濱王云洛濱水神謂宓妃也傳曰河伯

左日羿又夢與洛馮姚利決封豨是賦何獻蒸肉之膏而

水神宓妃交接也馮姚利決封豨是賦何獻蒸肉之膏而

后帝不若王云馮姚利決封豨是賦何獻蒸肉之膏而

之所湮娶純狐眩妻爰謀純狐氏女何羿之歟革而交吞

爲也

挨之。以昇之善狀而信用寒促揆度交吞之事。傷秦繇  
王曰。秦之厚賂王何故。順之深恨之。辭淫管指蘇秦阻窮  
西。王。何。越。焉。王。以。為。竟。放。西。征。亦。未。嘗。墮。死。此。固。為  
說。則。非。化。為。黃。熊。巫。何。活。焉。阻。窮。何。治。永。西。征。言。西。征。之。必  
化。為。黃。熊。巫。何。活。焉。阻。窮。何。治。永。西。征。言。西。征。之。必  
能。活。之。乎。咸。播。秬。黍。莆。藿。是。營。何。由。并。投。而。無。疾。脩。盈  
言。洪。云。即。蒲。字。莆。藿。皆。水。草。也。并。屏。通。疾。惡。脩。盈。滿。也  
疾。惡。之。脩。白。蟬。嬰。弗。胡。為。此。堂。安。得。夫。良。藥。不。能。固。藏。天  
盈。如。此。子。白。蟬。嬰。弗。胡。為。此。堂。安。得。夫。良。藥。不。能。固。藏。天  
式。縱。橫。陽。離。爰。死。大。鳥。何。鳴。夫。焉。喪。厥。體。王。云。蟬。雲。之。有  
白。雲。遠。池。若。蛇。者。也。此。堂。屈。原。所。見。祠。堂。也。式。似。龍。者。也。弗  
有。善。陰。陽。縱。橫。之。道。人。失。陽。氣。即。死。也。言。崔。文。子。學。僊。於  
王。子。僊。中。之。因。墮。其。藥。俯。而。嬰。弗。持。藥。與。之。崔。文。子。驚。怪。引  
戈。擊。蜺。中。之。因。墮。其。藥。俯。而。嬰。弗。持。藥。與。之。崔。文。子。驚。怪。引  
取。王。子。僊。之。尸。置。之。室。中。覆。之。以。微。篋。須。臾。則。化。為。大。鳥  
而。鳴。開。而。視。之。翻。飛。而。去。洪。云。事。見。列。僊。傳。蟬。藏。本。字  
傷。懷。王。客。死。於。秦。也。民。望。未。厭。故。日。咸。后。和。黍。又。日。何。由  
并。投。輕。棄。其。國。故。日。不。能。固。藏。又。日。陽。離。爰。死。天。問。之  
作。皆。就。祠。中。所。見。壁。畫。呵。而。問。之。獨。白。蟬。嬰。號。起。雨。何。以  
嬰。蕭。云。此。堂。者。哀。痛。之。至。見。似。目。瞿。也。辨。號。起。雨。何。以

興之洪云游號屏撰體協脅鹿何膺之王云言天撰十二

頭何膺受鼈戴山朴何以安之王云擊手曰朴列傳

此形體乎鼈戴山朴何以安之王云擊手曰朴列傳

之山焉石舞釋舟陵行何以遷之王云擊手曰朴列傳

虞滄海之中釋舟陵行何以遷之王云擊手曰朴列傳

嫂何少康逐犬而顛頤厥首女歧縫裳而館同爰止何顛

易厥首而親以逢殆王云女歧澆嫂也言澆無義淫佚其

女歧為之縫裳因共舍而宿止夏少康因川獵放犬逐獸

夜襲得女岐頭以為煖湯變易澆眾使之從已當何以

也湯謀易旅何以厚之煖湯變易澆眾使之從已當何以

厚其覆舟斟尋何道取之伐斟尋大戰于海覆其舟滅之

民乎覆舟斟尋何道取之伐斟尋大戰于海覆其舟滅之

左氏傳云少康收斟權斟尋二國之燼以復夏故言斟尋

覆舟之後少康用何道以取澆乎傷頃襄不能如少康

之復仇也先著辨號八句者起兩事發於微也撰體事台

於眾也戴山在也釋舟勇也以上為一節緊起亂言之

桀伐蒙山何所得焉妹嬉何肆湯何殛焉王云言桀伐蒙

嬉舜閔在家父何以鰥堯不姚告二女何親厥萌在初何

所億焉璜臺十成誰所極焉言紂得姐已為璜臺十重由

紂極其欲故不可億度也

登立為帝。孰道尚之女。嫫有體。孰制匠之。山海經注云女嫫古嫫女帝人

面掩身。一日中七十變。言升立為帝者。其道可也。女嫫也。豈徒以異體乎。以下反復。謂敗之由。而為己之不見用。

也。僕王之禍。始於鄭袖。袖首悲君之無賢。其妹嫫。亡夏二舜女。與嫫姐已亡。尚女嫫復吳肆之者。諱極之。者諱耶。二舜服厥弟。終然為害。何肆大體。而厥身不危敗。王云。事也。

故曰。不吳獲迄。古南獄是止。孰期去斯。得兩男子。兩男仲

危也。古無迄字。只作乞求也。期音也。吳。秦伯也。言秦伯

求古公之元。而獲之。遂逃去。止於南。晉伯以言秦伯。同

必期。台而。去遂以。開吳。頃寢之。治。秦伯。言秦伯。同

無賢兄。弟舜若危。敗其身。以事。舜。得為女。非。秦之賢

泰伯。何以緣鵠。飾玉后。帝是饗。何承。謀夏。終。以。秦帝

乃降。觀下。逢伊。摯何。條放。致罰。而。黎服。大說。言伊。因。國

修玉。鼎以。上湯。湯。則饗之。何去。湯。就。桀。而。桀。終。以。被。史。不

用故也。湯出。觀。風。俗。遂。伊。尹。自。夏。而。反。乃。有。天。之。罰。以。誅

桀。故也。鳴。條。九。服。黎。眾。大。說。也。言。楚。亂。簡。狄。在。臺。魯。何

宜。元。鳥。致。胎。女。何。嘉。王。云。言。簡。狄。侍。帝。舉。於。臺。上。有。幾。焉

云。及。榮。華。之。未。落。兮。相。下。女。之。可。詒。元。鳥。致。胎。亦。該。承。李



德厥父是臧胡終弊子有扈牧夫牛羊王充潛夫論云王康仲康兄弟五人

皆有皆德不惟帝事降須洛洵是謂五觀國語曰魯有

觀而左氏傳曰夏有觀扈王逸云扈殺流滅有扈漢書

地理志扈國在右扶風郿縣左馮翊案德洛水東南入渭

地相近或略滅有扈創封五觀及祖遇德流乃滅之故

人須洛洵降居家也此有扈前指五觀該皆也季德

維之德言五子皆秉啓末年之昏德以父之所行為

弊於有扈也于協時舞何以懷之平脅曼膚何以肥之

爲牧夫也于協時舞何以懷之平脅曼膚何以肥之

秉啓之季德也墨子述武觀云啓乃淫泆康樂野於

食湛濁於酒渝食於野萬舞翼翼天用弗式即此

扈牧豎云何而逢擊牀先出其命何從滅有扈事恆

德焉得夫朴牛何往營班祿不但還求事未詳疑

何使乞營於班祿持國政乎懷王之事不可

委任椒蘭君臣盤樂放棄賢者故以五觀楊之下

並淫深飲之也昏微遵迹有欲不甯何繁鳥萃棘貞子

招魂即此意時王云人有循閭微之道焉夷狄之行皆謂晉大夫解

以作詐後嗣而逢長王以眚弟爲象然施者非一人之

欲用得乎哀郢云憎慍愉成湯東巡有莘爰極何乞彼小  
之脩美兮好夫人之忱莊成湯東巡有莘爰極何乞彼小  
臣而吉妃是得水濱之木得彼小子夫何惡之賡有莘之  
婦王云伊尹之母化為空桑之木有莘惡伊尹從木中出  
因以送女湯東巡守從有莘氏乞句伊尹固得吉善之  
妃也能用賢者求之不能則賢者棄之終上簡狄在臺二句之意以上為一節湯出重泉夫何  
旱尤不勝心伐帝夫誰使挑之言桀拘湯於重泉而出之  
人之心而伐桀誰挑之黃伊尹也書曰伊尹也曾詭爭盟何踐吾  
朕載自毫蒙上言湯之興由伊尹也期蒼鳥羣飛孰使萃之王云蒼鳥羣飛也到擊紂躬叔  
旦不嘉王以武王始至孟津白魚入王舟羣臣咸何親攢  
發足周之命以咨嗟言周公雖休勿休是為叔旦不嘉何親攢  
也遂言武王之授殷天下其位安施反成乃亡其罪伊  
與由太公周公也授殷天下其位安施反成乃亡其罪伊  
何爭遣伐器何以行之並驅擊翼何以將之仁人者伐國  
遣歸周何以使之行乎謂若膠鬲太師少師並紂驪七十  
萬人擊武王兩翼前徒倒戈何以將帥之乎蒙上遂言  
利之亡由棄仁昭后成游南土爰底厥利維何逢彼白雉  
人而在康來也

昭王南巡祭公諫不聽遂成游至南土不復穆王巧梅夫

也王云趙蒙氏獻曰推昭王欲親往逢迎之

何為周流環理天下又何索求王云梅妖夫與衛何號于

市周幽誰誅焉得夫廢奴妖夫與衛何號于

何罰何佑齊桓九曾卒然身殺言而亡身穆王幸聞諫父

之詩而得致周幽之妖出用無彼王紂之躬孰使亂惑何

惡輔弼譏諂諂是服比于何逆而抑沈之雷開何順而賜封

之王王云雷開侯人也何聖人之一德卒其異方梅伯受

箕子伴狂言生雖異其德一也王云梅伯紂諸侯也

處以上為一節言用賢奸治亂之效明白如此而主昏不

窮則忠臣決死而已離騷云既莫足與為美政今吾將從

彭咸之稷維元子帝何竺之投之于冰上烏何煥之帝謂

所居厚也何馮弓挾矢殊能將之既驚帝切激何逢長之挾也

言武王挾引矢以伐紂能大后殷之業震伯昌號衰秉鞭

作牧何令徹彼岐社命有殷國義以喻政言文王以德號

何遂以岐有股遷藏就岐何能依殷有惑婦可所譏言太  
非武王之武乎遷藏就岐何能依殷有惑婦可所譏言太  
武王還其寶歲就岐避之何殷有如受茲賜醢西伯上告

何親受上帝罰殷之命以不救言紂遺梅伯以賜諸侯文

臣禮何武王師望在肆昌何誡鼓刀揚聲后何喜王云言

刀在列肆又王親往問之呂望對曰下武發殺殷何所悵

載尸集戰何所急王云尸主也共云悵不安也上簡既

猶冀君之一格也故復以武王伐紂之事震醒頃襄考定

世家頃襄三年懷王卒於秦秦楚絕六年則秦平七年迎

歸於秦頃襄為子自以義立十八年國未嘗出兵故屈子

悲之九昭云云練長胡分擁在艾魯國主李為民正為頃襄

言也招魂云朱明承夜分時不可淹泉蘭被徑兮斯路漸

人所急然後段大王文工之業必以此武承之言武王伐紂似

復可苟安乎君倘一悟則必用己所懼鼓刀猶有冀也伯

林維繼維其何故何感天抑墜夫誰畏懼王云伯長也林

中上也言申生之死感天抑地夫豈畏懼乎憂國危亡也

承上言君若不悟忠臣既死國欲存得乎此已所以死  
而不容自疏也惜往日云唐諡死而流亡分恐禍殃之有  
再戒頃襄也臣死君子死父一也故以伯林自比以上

為一節所謂篇皇天集命惟何戒之受禮天下又使至

代之初湯臣孽後茲承輔何卒官湯尊食宗緒承輔進請

宗緒配動闔夢生少離散亡何壯武厲能流厥嚴功也闔

於廟也動闔夢生少離散亡何壯武厲能流厥嚴功也闔

吳王闔閭也夢吳王祖父壽夢也闔閭次不得為王少

散亡於在外以伍子胥為將大有功勳也言天命不可

恃成湯尚已豈動闔不可及彭鏗斟維帝何饗受壽永多

乎又蒙止反復以起下文彭鏗斟維帝何饗受壽永多

夫何久長衣性神僊傳彭祖姓錢名璵帝顓頊之元孫善

殷至周年七百六十七歲而中央共牧后何怒王云牧

不食之則有歧首之號爭共蠡城代力何固王云蠡城

食之則有歧首之號爭共蠡城代力何固王云蠡城

與心族也驚女采薇鹿何祐北至回水萃何喜王云昔

其家遂昌城言小人常受無望之福也兄有噬犬弟

何欲易之以百兩卒無祿王云言秦伯有醫犬弟鍼欲請

之又不聽因逐鍼而奪其爵祿也言視亂欲去君側之

惡而反放逐也以噬犬喻惡人以上為一節言君不念天

命說人薄暮雷電歸何憂薄暮喻年將老雷電喻君暴

傷已薄暮雷電歸何憂薄暮喻年將老雷電喻君暴

怨年已老矣君雖暴怒吾亦歸

正憂國耳厥嚴不奉帝何求帝天帝斥君也嚴厥嚴伏匿

穴處爰何云言不忍去不歸作師夫何長

此亦亦已長矣子孫世可止之

何言吳光爭國久余是勝楚會為吳光所勝幾何環穿自

閭社邱陵爰出子文此必子文被放

斤君是也堵敖以不長

外有強敵內有忠臣

章試上自予忠名彌

屈原九章九章皆遷

惜謙以致愍兮癸憤以抒情所作忠而言之兮指蒼天以

為正令五帝以析中兮戒六神與嚮服俾山川以偷術兮

命咎繇使總直竭忠誠以事君兮反離憂而替疏忘儼媚

以背衆兮待明君其知之言與行其可迹兮情與貌其不

變故相臣莫若君兮所以證之不遠吾誼先君而後身兮

羌衆人之所仇專惟君而無他兮又衆兆之所離壹心而  
不豫兮羌不可保也疾親君而無他兮有招禍之道也思  
君其莫我忠兮忽忘身之賤貧事君而不貳兮迷不知寵  
之門忠何罪以遇罰兮亦非余心之所志行不羣以巖越  
兮又衆兆之所哈紛逢尤以離謫兮卷不可釋情沈抑而  
不達兮又蔽而莫之白心鬱邑余佳僚兮又莫察余之中  
情固煩言不可結詎兮願陳志而無路心鬱邑同句爲韻情下  
問與靜默而莫余知兮進號呼又莫吾聞申佗僚之煩惑  
兮中悶替之忡忡昔余夢登天兮魂中道而無杭吾使臆  
離占之分曰有志極而無旁終危獨以離異兮曰君可思  
而不可恃故衆口其鏐金兮初若是而逢殆懲於羹者而  
吹壑兮何不變此志也欲釋階而登天兮猶有曩之態也  
衆駭遽以離心兮又何以爲此伴也同極而異路兮又可

以爲此援也。晉申生之孝子兮，父信讒而不好行。婞直而不豫兮，鮒功用而不就。吾聞作忠以造怨兮，忽謂之過言。九折臂而成醫兮，吾至今而知其信然。增弋機而在上兮，尉羅張而在下。設張辟以娛君兮，願側身而無所欲。儻何以干傑兮，恐重患而離尤。欲高飛而遠集兮，君罔謂汝何之。欲橫奔而失路兮，堅志而不忍背膺。胖以交痛兮，心鬱結而紆軫。擣木蘭以矯蕙兮，檠申椒以爲糧。播江離與滋菊兮，願春日以爲糗。芳恐情質之不信兮，故重著以自明。矯茲嬋以私處兮，願曾思而遠身。

惜誦

余幼好此奇。吸兮年既老而不衰。帶長鋏之陸離兮，冠切雲之崔嵬。被明月兮珮寶璐，世溷濁而莫余知兮。吾方高馳而不顧，駕青虬兮驂白螭。吾與重華游兮，瑤之圃登崑崙。



崙兮食玉英。與天地兮同壽。與日月兮同光。哀南夷之莫  
吾知兮。且余濟乎江湘。乘鄂渚而反顧兮。欽秋冬之緒風。  
步余馬兮。山皋耶。余車兮。方林乘。船兮。余上沅兮。齊吳榜。  
以擊汰。船容與而不進兮。淹回水而疑滯。朝發枉渚兮。夕  
宿辰陽。苟余心其端直兮。雖倅遠之何傷。入澨浦余遭回  
兮。迷不知吾所如。深林杳以冥冥兮。猿狖之所居。山峻高  
以蔽日兮。下幽晦以多雨。霰雪紛其無垠兮。雲霏霏而承  
雨。哀吾生之無樂兮。幽獨處乎山中。吾不能變心而從俗。  
公固將愁苦而終窮。接鬢首兮。桑扈羸行。忠不必用兮。  
賢不必以。伍子逢殃兮。比干菹醢。與前世而皆然兮。吾又  
何怨乎。今之人。余將董道而不豫兮。固將重昏而終身。亂  
曰。鸞鳥鳳皇。日以遠兮。燕雀烏鵲。巢堂壇兮。露申辛夷。死  
林薄兮。腥臊並御。芳不得薄兮。陰陽易位。時不當兮。懷信

侘僚忽乎吾將行兮

涉江

皇天之不純命兮何百姓之震愆民離散而相失兮方仲  
春而東遷去故鄉而絕遠兮遵江夏以流亡出國門而軫  
懷兮甲之鼂吾以行發郢都而去閭兮荒忽其焉極楫齊  
揚以容與兮哀見君而不再得望長楸而太息兮涕淫淫  
其若霰過江夏而西浮兮顧龍門而不見心嬋媛而傷懷  
兮眇不知其所踈順風波以從流兮焉洋洋而爲客淩陽侯  
之汎濫兮忽翺翔之焉薄心絀結而不解兮思蹇產而不  
釋追述始放將運舟而下浮兮上洞庭而下江即運舟下浮也去終  
古之所居兮今道遙而來東羌靈魂之欲歸兮何須臾而  
忘反背夏浦而西思兮哀故都之日遠登大墳以遠望兮  
聊以紓吾憂心哀州土之平樂兮悲江介之遺風當陵陽

之焉。至今。絲南渡之焉。如曾不知夏之爲邱兮。孰兩東門之可。蕪心不怡之長久兮。憂與愁其相接。惟郢路之遼遠兮。江與夏之不可涉。忽若不信兮。至今九年而不復。慘鬱鬱而不通兮。蹇侘僚而含感。外承歡之灼灼兮。譴荏弱而難持。忠湛湛而願進兮。妒被離而鄣之。堯舜之抗行兮。瞭杳杳而薄天。衆讒人之嫉妒兮。被以不慈之僞名。憎慍愉之脩美兮。好夫人之忼慨。衆踳踳而日進兮。美超遠而逾邁。亂曰。曼余目以流觀兮。冀壹反之何。時鳥飛返故鄉兮。狐死必首邱。信非吾罪而棄逐兮。何日夜而忘之。

哀郢

心鬱鬱之憂思兮。獨永嘆乎增傷。思蹇產之不釋兮。曼遭夜之方長。悲秋風之動容兮。何回極之浮浮。數惟蓀之多怒兮。傷余心之憂憂。願搖起而橫奔兮。覽民尤以自鎮。結

微情以陳詞兮矯以遺夫美人昔君與我誠言今日黃昏  
以爲期羌中道而回畔兮反既有此他志憍吾以其美好  
兮覽余以其脩姱與余言而不信兮蓋爲余而造怒願乘  
間而自察兮心震悼而不敢悲夷猶而冀進兮心怛傷之  
愴愴茲歷情以陳辭兮蓀詳龔而不聞固切人之不媚兮  
衆果以我爲患初吾所陳之耿著兮豈至今其庸亡何毒  
藥之蹇蹇兮願蓀美之可完望三五以爲像兮指彭咸以  
爲儀夫何極而不至兮故遠聞而難虧善不由外來兮名  
不可以虛作孰無私而有報兮孰不實而有穫少歌曰與  
美人抽怨兮并日夜而無正憍吾以其美好兮敖朕辭而  
不聽倡曰有鳥自南兮來集漢北好姱佳麗兮辟獨處此  
異域旣惇獨而不羣兮又無良媒在其側道卓遠而日忘  
兮願自申而不得望北山而流涕兮臨流水而太息望孟

夏之短夜兮何晦明之若歲惟郢路之遼遠兮魂一夕而  
九逝會不知路之曲直兮南指月與列星願徑逝而未得  
兮魂識路之營營何靈魂之信直兮人之心不與吾心同  
理弱而媒不通兮尚不知余之從容亂日長瀕湍流沂江  
潭兮狂顧南行聊以娛心兮軫石巖鬼蹇吾願兮超回志  
度行隱進兮低徊夷猶徬北姑兮煩冤督容實沛徂兮愁  
歎苦神靈遙思兮路遠處幽又無行媒兮道思作頌聊以  
自救兮憂心不遂斯言誰告兮

抽思

悄悄孟夏兮草木莽莽傷懷永哀兮徂徂南土胸兮杳杳  
孔靜幽默鬱結紆軫兮離慙而長鞠撫情効志兮冤屈而  
自抑刊方以爲圓兮常度未替易初本迪兮君子所鄙章  
畫志墨兮前圖未改內厚質直兮大人所盛巧倖不斲兮

孰察其機正元文處幽兮矇瞶謂之不章離婁微睇兮瞽  
以爲無明變白以爲黑兮倒上以爲下鳳皇在笈兮雞鷺  
翔舞同糝玉石兮一槩而相量夫惟黨人鄙固兮羌不知  
余之所臧任重載盛兮陷溝而不濟懷瑾握瑜兮窮不知  
所示邑犬之羣吠兮吠所怪也非俊疑傑兮固庸態也文  
質疏內兮衆不知余之異采材樸委積兮莫知余之所有  
重仁襲義兮謹厚以爲豐重華不可選兮孰知余之從容  
古固有不竝兮豈知其何故湯禹久遠兮邈而不可慕懲  
連改忿兮抑心而自強離愍而不遷兮願志之有像進路  
北·次·兮·日·昧·昧·其·將·暮·舒·憂·娛·哀·兮·限·之·以·大·故·亂·曰·浩  
浩沅湘分流汨兮修路幽蔽道遠忽兮懷質抱情獨無匹  
兮伯樂旣沒驥焉程兮萬民之生各有所錯兮定心廣志  
余何畏懼兮曾傷爰哀永嘆喟兮世溷濁莫吾知人心不

可謂兮知死不可讓願勿愛兮明告君子吾將以爲類兮

懷沙

思美人兮擘涕而竚。眙媒絕路阻兮言不可結而詒。蹇蹇之煩冤兮陷滯而不發。申旦以舒中情兮志沈菀而莫達。願寄言於浮雲兮遇豐隆而不將。因歸鳥而致辭兮羌徇高而難當。高辛之靈盛兮遭元鳥而致詒。欲變節而從俗兮媿易初而屈志。獨歷年而離愍兮羌憑心猶未化甯隱閉而壽考兮何變易之可爲。知前轍之不遂兮未改此度。車旣覆而馬顛兮蹇獨懷此異路。勒騏驎而更駕兮造父爲我操之遷遠次而勿驅兮聊假日以須時。指嶠冢之西隈兮與纁黃以爲期。開春發歲兮白日出之悠悠。吾將蕩志而愉樂兮遵江夏以娛憂。擘大薄之芳茝兮搴長洲之宿莽。惜吾不及古人兮吾誰與玩此芳草。解蕭蕩與雜菜

兮備以爲交佩佩纈紛以締轉兮遂萎絕而離異吾且儻  
個以嫉憂兮觀南人之變態竊快在中心兮揚厥憑而不  
族芳與澤其雜糅兮羌芳華自中出紛郁郁其遠承兮滿  
內而外揚情與質信可保兮羌居蔽而聞章兮薛荔以爲  
理兮憚舉趾而緣木固芙蓉而爲媒兮憚褰裳而濡足登  
高吾不說兮入下吾不能固朕形之不服兮然容與而狐  
疑廣遂前畫兮未改此度也命則處幽吾將罷兮願及白  
日之未暮獨煢煢而南行兮思彭咸之故也

### 思美人

惜往日之曾信兮受命詔以昭詩奉先功以照下兮明法  
度之嫌疑國富彊而法立兮屬貞臣而日嫉祕密事之載  
心兮雖過失猶弗治心純厲而不泄兮遭讒人而嫉之君  
含怒而待臣兮不清澈其然否傲晦君之聰明兮虛惑誤



又以黔弗參驗以考實兮遠遷臣而弗思信讒諛而溷濁  
兮盛氣志而過之何貞臣之無辜兮被離謫而見尤慙光  
景之誠信兮身幽隱而備之臨沅湘之元淵兮遂自忍而  
沈流卒沒身而絕名兮惜壅君之不昭君無度而弗察兮  
使芳草爲藪幽焉舒情而拙信兮恬死亡而不聊獨郢壅  
而徹隱兮使貞臣爲無由聞百里之爲虜兮伊尹烹於庖  
廚呂望屠於朝歌兮甯戚歌而飯牛不逢湯武與桓穆兮  
世孰云而知之吳信讒而弗味兮子胥死而後憂介子忠  
而立枯兮文君寤而追求封介山而爲之禁兮報大德之  
優游思久故之親身兮因編素而哭之或忠信而死節兮  
或訑設而不疑弗省察而按實兮聽讒人之虛辭芳與澤  
其雜糅兮孰申旦而別之何芳草之早妖兮微霜降而下  
戒諒聰不明而蔽壅兮使讒諛而日得自前世之嫉賢兮

謂蕙若其不可佩妒佳冶之芬芳兮慕母姣而自好雖有  
西施之美容兮讒妒入以自代願陳情以自行兮得罪過  
之不意情冤見之日明兮如列宿之錯置乘騏驎而馳騁  
兮無轡銜而自載乘汜汭以下流兮無舟楫而自備背法  
度而心治兮辟與此其無異甯溘死以流亡兮恐禍殃之  
有再不畢辭而赴淵兮惜堊君之不識

惜往日

后皇嘉樹橘徠服兮受命不遷生南國兮深固難徙更壹  
志兮綠葉素榮紛其可喜兮曾枝剌棘圓果搏兮青黃雜  
糝文章爛兮精色內白類可在兮紛緼宜修姱而不醜兮  
嗟爾幼志有以異兮獨立不遷豈不可喜兮深固難徙廓  
其無求兮蘇世獨立橫而不流兮閉心自慎不終失過兮  
秉德無私參天地兮願歲并謝與長久兮淑離不淫梗其

有理今年歲雖少可師長兮行比伯夷置以爲像兮

橘頌

悲回風之搖蕙兮心冤結而內傷物有微而隕性兮聲有  
隱而先倡夫何彭咸之造思兮賢志介而不忘萬變其情  
豈可益兮孰虛僞之可長鳥獸鳴以號羣兮草苴比而不  
芳魚鼈鱗以自別兮蛟龍隱其文章故荼薺不同畝兮蘭  
茝幽而獨芳惟佳人之永都兮更統世而自貺渺遠志之  
所及兮憐浮雲之相羊介眇志之所惑兮竊賦詩之所明  
惟佳人之獨懷兮折若椒以自處會歔歔之嗟嗟兮獨隱  
伏而思慮涕泣交而淒淒兮思不眠以至曙終長夜之曼  
曼兮掩此哀而不去寤從容以周流兮聊逍遙以自恃傷  
太息之愍憐兮氣於邑而不可止紕思心以爲穰兮編愁  
苦以爲膺折若木以蔽光兮隨飄風之所仍存髣髴而不

見兮心踴躍其若湯撫珮衽以案志兮超惘惘而遂行歲  
習習其若頽兮昔亦冉冉而將至蘋蘩槁而節離兮芳以  
歇而不比憐思心之不可懲兮證此言之不可聊甯逝死  
而流亡兮不忍爲此之常愁孤子喟而收淚兮放子出而  
不還孰能思而不隱兮照彭咸之所聞登石巒以遠望兮  
路眇眇之默默人影響之無應兮問省想而不可得愁鬱  
鬱之無悞兮居戚戚而不可解心鞿轡而不形兮氣繚轉  
而自締穆眇眇之無垠兮莽茫茫之無儀聲有隱而先感  
兮物有純而不可爲藐蔓蔓之不可量兮縹緜緜之不可  
紆愁悄悄之常悲兮翩冥冥之不可娛淩大波而流風兮  
託彭咸之所居上高巖之峭岸兮處雌蜺之標顛據青冥  
而攄虹兮遂儻忽而捫天吸湛露之浮源兮漱凝霜之雰  
雰依風穴以自息兮忽傾寤以嬋媛馮崑崙以瞰霧兮隱

蛟山以清江憚涌湍之磴磴兮聽波聲之洶洶紛容容之  
無經兮罔芒芒之無紀軋洋洋之無從兮馳委移之焉止  
漂翻翻其上下兮翼遙遙其左右汜涌涌其前後兮伴張  
弛之信期觀炎氣之相仍兮窺煙波之所積悲霜雪之俱  
下兮聽潮水之相擊借光景以往來兮施蒿棘之狂策求  
介子之所存兮見伯夷之放迹心調度而弗去兮刻著志  
之無適曰吾怨往昔之所冀兮悼來者之悠悠浮江淮而  
入海兮從子胥而自適望大河之洲渚兮悲申徒之抗迹  
驟諫君而不聽兮重任石之何益心結結而不解兮思蹇  
蹇而不釋

悲回風

屈原遠遊

悲時俗之迫阨兮願輕舉而遠遊質菲薄而無因兮焉託

乘而上浮。遭沈濁而污穢。兮獨鬱結其誰語。夜耿耿而不寐。兮魂煢煢而至曙。惟天地之無窮。兮哀人生之長勤。往者余弗及兮。來者吾不聞。步徙倚而遙思兮。怊惝恍而乖懷。意荒忽而流蕩兮。心愁悽而增悲。神儵忽而不反兮。形枯槁而獨留。內惟省以端操兮。求正氣之所由。漠虛靜以恬愉兮。瘖無爲而自得。聞赤松之清塵兮。願承風乎遺則。貴真人之休德兮。美往世之登僊。與化去而不見兮。名聲著而日延。奇傳說之託辰星兮。羨韓衆之得一形。穆穆以浸遠兮。離人羣而遁逸。因氣變而遂會。舉兮忽神奔而鬼怪。時髣髴以遙見兮。精皎皎以往來。絕氛埃而淑尤兮。終不反其故都。免衆患而不懼兮。世莫知其所如。恐天時之代序兮。耀靈晷而西征。微霜降而下淪兮。悼芳草之先零。聊仿佯而逍遙兮。永歷年而無成。誰可與玩斯遺芳兮。晨

向風而舒情高陽邈以遠兮余將焉所程重日春秋忽其  
不淹兮奚久留此故居軒轅不可攀援兮吾將從王喬而  
娛戲淦六氣而飲沆瀣兮漱正陽而含朝霞保神明之清  
澄兮精氣入而麤穢除順凱風以從遊兮至南巢而壹息  
見王子而宿之兮審壹氣之和德曰道可受兮不可傳其  
小無內兮其大無垠無滑而魂兮彼將自然壹氣孔神兮  
干中夜存虛以待之兮無爲之先庶類以成兮此德之門  
聞至貴而遂徂兮忽乎吾將行仍羽人於丹邱兮留不死  
之舊鄉朝濯髮於湯谷兮夕晞余身兮九陽吸飛泉之微  
液兮懷琬琰之華英玉色頰以晚顏兮精醇粹而始壯質  
銷鑠以灼灼兮神要眇以淫放嘉南州之炎德兮麗桂樹  
之冬榮山蕭條而無獸兮野寂漠其無人載營魄而登霞  
兮掩浮雲而上征命天閭其開闔兮排閭闔而望子召靈

隆使先導兮問大微之所居集重陽入帝宮兮造旬始而  
觀清都朝發軔於太儀兮夕始臨乎於微閭市余車之萬  
乘兮紛溶與而並馳駕八龍之婉婉兮載雲旗之逶蛇建  
雄虹之采旄兮五色雜而炫耀服偃蹇以低昂兮驟連蜷  
以騶驚騎膠葛以雜亂兮斑漫衍而方行換余轡而正策  
兮吾將過乎句芒歷太皓以右轉兮前飛廉以啓路陽杲  
杲其未光兮凌天地以徑度風伯爲余先驅兮氛埃辟而  
清涼鳳皇翼其承旂兮遇蓐收乎西皇擘彗星以爲旂兮  
舉斗柄以爲麾叛陸離其上下兮游驚霧之流波時曖曖  
其隱莽兮召元武而奔屬後文昌使掌行兮選署衆神以  
並設路曼曼其修遠兮徐弭節而高厲左雨師使徑侍兮  
右雷公以爲衛欲度世以忘歸兮意恣睢以坦橋內欣欣  
而自美兮聊嬉娛以自樂涉青雲以汎濫游兮忽臨眺夫



舊鄉僕夫懷余心悲兮。邊馬顧而不行。思舊故以想像兮。  
長太息而掩涕。汜容與而遐舉兮。聊抑志而自弭。指炎神  
而直馳兮。吾將往乎南。疑覽方外之荒忽兮。沛罔象而自  
浮。祝融戒而還衡兮。騰告鸞鳥迎宓妃。張咸池奏承雲兮。  
二女御九韶歌。使湘靈鼓瑟兮。令海若舞馮夷。元螭蟲象  
並出進兮。形蟭蛆而透蛇。雖蜺便娟以增繞兮。鸞鳥軒翥  
而翔飛。音樂博衍無終極兮。焉乃逝以徘徊。舒并節以馳  
驚兮。道絕垠乎寒門。軼迅風於清源兮。從顓頊乎增冰。歷  
元冥以邪徑兮。乘間維以反顧。召黔羸而見之兮。爲余先  
乎平路。經營四荒兮。周流六漠。上至列致兮。降望大壑。下  
崢嶸而無地兮。上寥廓而無天。視儵忽而無見兮。聽惝怳  
而無聞。超無爲以至清兮。與泰初而爲鄰。

屈原卜居。

屈原既放三年不得復見竭知盡忠而

選無蔽郢於讒心

願慮亂不知所從往

選上有乃字

見太卜鄭詹尹曰余有所疑

願因先生決之詹尹乃端策拂龜曰君將何以教之屈原曰吾甯悵悵款款朴以忠乎將送往勞來斯無窮乎甯誅鋤草茅以力耕乎將游大人以成名乎甯正言不諱以危身乎將從俗富貴以媮生乎甯超然高舉以保真乎將啜訾栗斯喔咿儒兒以事婦人乎甯廉潔正直以自清乎將突梯滑稽如脂如韋以潔櫛乎甯昂昂若千里之駒乎將汜汜若水中之鳧乎與波上下偷以全吾軀乎甯與騏驥亢虬乎將隨騫馬之迹乎甯與黃鵠比翼乎將與雞鶩爭食乎此孰吉孰凶何去何從世溷濁而不清蟬翼爲重千鈞爲輕黃鍾毀棄瓦釜雷鳴讒人高張賢士無名吁嗟默默兮誰知吾之廉貞詹尹乃釋策而謝曰夫尺有所短寸

有所長物有所不足智有所不明數有所不逮神有所不通用君之心行君之意龜策誠不能知事選知下有此字

屈原漁父。

屈原既放游於江潭行吟澤畔顏色憔悴形容枯槁漁父見而問之曰子非三閭大夫與何故至於斯屈原曰舉世選作皆濁我獨清衆人皆醉我獨醒是以見放漁父曰聖人不凝滯於物而能與世推移世人皆濁何不淈其泥而揚其波衆人皆醉何不餽其糟而歃其醢何故深思高舉自令放爲屈原曰吾聞之新沐者必彈冠新浴者必振衣安能以身之察察受物之汶汶者乎甯赴湘流葬於江魚之此選無腹中安能以皓皓之白而選無蒙世俗之塵埃乎漁父莞爾而笑鼓枻而去歌選上有日滄浪之水清兮可以濯吾纓滄浪之水濁兮可以濯吾足遂去不復與言

宋玉九辯

昭明所選五篇居前。其文不可考已。

悲哉秋之爲氣也。蕭瑟兮。草木搖落而變衰。僚慄兮。若在

遠行。登山臨水兮。送將歸。沈寥兮。天高而氣清。淒淒兮。收

涼而水清。惜選作悽愴兮。薄寒之中人。愴怆兮。去

故而就新。坎廩兮。貧士失職而志不平。廓落兮。羈旅而無

友。生惆悵兮。而私自憐。燕翩翩其辭歸兮。蟬宋漠而無聲。

雁廕廕而南游兮。鵲雞啁哳而悲鳴。獨申旦而不寐兮。哀

蟋蟀之宵征。時疊疊而過中兮。蹇淹留而無成。

悲憂窮戚兮。獨處廓有美一人兮。心不釋去。鄉離家兮。徠

遠客。超逍遙兮。今焉薄專思君兮。不可化。君不知兮。可柰

何。蓄怨兮。積思。心煩懣兮。忘食事。願一見兮。道余意。君之

心兮。與余異。車旣駕兮。竭而歸。不得見兮。心傷選作悲倚

結軫兮。長選作太息。涕潺湲兮。下選作霑軾。忼慨絕兮。不

結軾兮。長選作太息。涕潺湲兮。下選作霑軾。忼慨絕兮。不

得中。替亂兮迷惑。私自憐兮何極。心怛怛兮諒直。

皇天平分四時兮。竊獨悲此廩秋。白露既下。選下有百草。

今奄離披此梧楸。去白日之昭昭兮。襲長夜之悠悠。亂芳

藹之方壯兮。余萎約而悲愁。秋既先戒。以白露兮。冬又

申之以嚴霜。收恢台之孟夏兮。然欲際而沈藏。葉菸邑而

無色兮。枝頽掣而交橫。顏淫溢而將罷兮。柯彷彿而萎黃。

葡櫨穆之可哀兮。形銷鑠而瘵傷。惟其紛採而將落兮。恨

其失時而無當。擘騁轡而下節兮。聊逍遙以相伴。歲忽忽

而邁盡兮。恐余壽之弗將。悼余生之不時兮。逢此世之能

以澹容與而獨倚兮。蟋蟀鳴此西堂。心怵惕而震盪兮。何

所憂之多方。仰明月而太息兮。步列星而極明。

竊悲夫蕙華之曾敷兮。紛旖旎乎都房。何曾華之無實兮。

從風雨而飛颺。以爲君獨服此蕙兮。羌無以異於衆芳。同

奇思之不通兮將去君而高翔心閔憐之慘悽兮願一見而有明重無怨而生離兮中結軫而增傷豈不鬱陶而思君兮君之門以九重猛犬狺狺而迎吠兮關梁閉而不通皇天淫溢而秋霖兮后土何時而得漘塊獨守此無澤兮仰浮雲而永歎

何時俗之工巧兮背繩墨而改錯卻騏驥而不乘兮策駑駘而取路當世豈無騏驥兮誠莫之能善御見執轡者非其人兮故騏驥送作跳而遠去鳬雁皆喙夫梁藻兮鳳愈飄翔而高舉園鑿而方枘兮吾固知其鉏鋸而難人衆鳥皆有所登棲兮鳳獨惺惺而無所集願銜枚而無言兮嘗被君之渥洽太公九十乃顯榮兮誠未遇其匹合謂騏驥兮安歸謂鳳皇兮安棲變古易俗兮世衰今之相者兮舉肥騏驥伏匿而不見兮鳳皇高飛而不下鳥獸猶知懷德兮

何云賢士之不處驥不驟進而求服兮鳳亦不貪餒而妄  
食君棄遠而不察兮雖願忠其焉得欲寂寞而絕端兮竊  
不敢忘初之厚德獨悲愁其傷人兮馮鬱鬱其安極  
霜露慘淒而交下兮心尙奮其弗濟霰雪紛糅其增加兮  
乃知遭命之將至願微幸而有待兮伯莽莽兮與壘草同  
死願自往而徑游兮路壅絕而不通欲循道而平馳兮又  
未知其所從然中路而迷惑兮自壓桎而學誦性愚陋以  
褊淺兮信未達乎從容

竊美申包胥之氣盛兮恐時世之不固何時俗之工巧兮  
滅規矩而改鑿獨耿介而不隨兮願慕先聖之遺教處濁  
世而顯榮兮非余心之所樂與其無義而有名兮甯窮處  
而守高食不媮而爲飽兮衣不苟而爲溫竊慕詩人之遺  
風兮願託志乎素餐蹇充侃而無端兮泊莽莽而無垠無

衣裘以禦冬兮恐溘死而不得見乎陽春

靚杪秋之遙夜兮心繚悵而有哀春秋遼遼而日高兮然  
惆悵而自悲四時遞來而卒歲兮陰陽不可與儷偕白日  
晼晚其將入兮明月銷鑠而滅毀歲忽忽而適盡兮老冉  
冉而愈弛心搖悅而日喬兮然怊悵而無冀中潛惻之悵  
愴兮長太息而增歎年洋洋以日往兮老嶮廓而無處事  
亶亶而覬進兮蹇淹留而躊躇

何汜濫之浮雲兮森壅蔽此明月忠昭昭而願見兮然露  
晞而莫達願皓日之顯行兮雲濛濛而蔽之竊不自聊而  
願忠兮或黜黜而汙之堯舜之抗行兮瞭冥冥而薄天何  
險巇之嫉妬兮被以不慈之僞名彼日月之照明兮尙黯  
黜而有瑕何況一國之事兮亦多端而膠加

被荷稠之晏晏兮然橫洋而不可帶既驕美而伐武兮負



左右之耿介憎慍愉之修美兮好夫人之慷慨衆踳踳而  
日進兮美超遠而逾邁農夫輟耕而容與兮恐田野之蕪  
穢事繇繇而多私兮竊悼後之危敗世雷同而炫曜兮何  
毀譽之昧昧今修飾而窺鏡兮後尙可以竄藏願寄言夫  
流星兮羌儵忽而難當卒壅蔽此浮雲兮下暗漠而無光  
堯舜皆有所舉在兮故高枕而自適諒無怨於天下兮心  
焉取此怵惕駉騁之瀏瀏兮馭安用夫強策諒城郭之  
不足恃兮雖重介之何益邇翼翼而無終兮怵惛惛而愁  
約生天地之若過兮功不成而無效願沈滯而不見兮尙  
欲布名乎天下然潢洋而不遇兮直怵愁而自苦莽洋洋  
而無極兮忽翱翔之焉薄國有驥而不知乘兮焉皇皇而  
更索甯戚謳於車下兮桓公聞而知之無伯樂之善相兮  
今誰使乎譽之罔流涕以聊慮兮惟著意而得之紛純純

之願忠兮妒被離而郭之

願賜不肖之軀而別離兮放游志乎雲中棄精氣之搏搏  
兮驚諸神之湛湛騁白霓之習習兮歷羣靈之豐豐左朱  
雀之芟芟兮右蒼龍之躍躍屬雷師之闐闐兮通飛廉之  
衙衙前輕輦之鏘鏘兮後輜乘之從從載雲旗之委蛇兮  
扈屯騎之容容計專專之不可化兮願遂推而爲臧賴皇  
天之厚德兮還及君之無恙

宋玉招魂

招魂大招詞頭襲也頃襄君臣宴安湛于淫樂而故屈子故招屈子以諷之也巫陽之言女嬃

漁父之意亂以懷王講武不可再見國○○○

取未雪宗社將危不啻大聲疾呼矣

朕幼清以廉潔兮身服義而未沫主此盛德兮牽於俗而  
蕪穢上無所考此盛德兮長離殃而愁苦帝告巫陽曰有

人在下我欲輔之魂魄離散汝筮予之巫陽對曰掌夢上

帝其

筮下有命字

難從若必筮予之恐後之謝

筮作

不能復用

巫陽焉

筮予魂魂猶言保其德也不能自貶以適乃下招世終于愁苦而已故日後之謝不能復用

曰魂兮歸來

選作來歸

去君之恆幹何爲四方些舍君之樂處

而離彼

選作被

不祥些魂兮歸來東方不可曰託些長人千

仞惟魂是索些十日代出流金鑠石些彼皆習之魂往必

釋些歸來兮

歸來兮選皆作歸來歸來

不可曰託些魂兮歸來南方不

可曰止些雕題黑齒得人肉以

選作而

祀以其骨爲醢些蝮

蛇綦綦封狐千里些雄虺九首往來儵忽吞人以益其心

些歸來兮不可曰

選無此字

久淫些魂兮歸來西方之害流沙

千里些旋入雷淵靡散而不可止些翫而得脫其外曠宇

些赤螳若象元龜若壺些五穀不生藁菅是食些其土爛

人求水無所得些彷徨無所倚廣大無所極些歸來兮恐

自遺賊些魂兮歸來北方不可曰止些增冰峨峨飛雪千

里些歸來兮不可曰久些魂兮歸來君無上天些虎豹九

開啄害下人些一夫九首拔木九千些豺狼從目往來佻  
佻些懸人呂族投之深淵些致命於帝然後得瞑些歸來  
歸來還作歸來往恐危身些魂兮歸來君無下此園都些  
歸來下節同士伯九約其角鬚鬚些乾朕血拇逐人魘魘些參目虎首  
其身若牛些此皆甘人歸來恐自遺災些魂兮歸來人修  
門些工祝招君皆行先些秦篝齊縷鄭縣絡些招具該脩  
永嘯呼些魂兮歸來反故居些天地四方多賊姦些像設  
君室靜閒安些高堂邃宇檻層軒些層臺累榭臨高山些  
網戶朱綬刻方連些冬有突厦夏室寒些川谷徑復流潺  
湲些光風轉蕙怱崇蘭些經堂入奧朱塵筵些砥室翠翹  
挂曲璚些翡翠珠被爛齊光些弱阿拂壁羅幃張些纂組  
綺縞結琦璚些室中之觀多珍怪些蘭膏明燭華容備些  
二八侍宿射遞代些九侯淑女多迅衆些盛鬋不同制實

滿宮些容態好比順彌代些弱顏固掩塞選作其有意些  
姱容修態細洞房些蛾眉曼睩目騰光些靡顏膩理遺視  
矚些離榭修幕侍君之間些翡翠帳飾高堂些紅壁沙  
版元玉選下有梁些仰觀刻桷畫龍蛇些坐堂伏檻臨四  
池些芙蓉始發雜芰荷些紫莖屏風文綠波些文異豹飾  
侍陂池些軒轅既低步騎羅些蘭薄戶樹瓊木離些魂兮  
歸來何遠爲此室家遂宗食多方些稻粱稊麥粢黃粱些  
大苦鹹酸辛甘行些肥牛之臠臠若芳些和酸若苦陳吳  
羹些臠鼈炮羔有柘漿些鵠醢臠臠煎鵠鷄些露雞臠蠅  
厲而不爽些秬粢蜜餌有餒餒些瑤漿蜜勺實羽觴些挫  
糟凍飲酎清涼些華酌既陳有瓊漿些歸來歸來選作反  
故室敬而無妨些肴羞未通女樂羅些噉鐘按鼓造新歌  
些涉江采菱發揚荷些美人既醉朱顏酡些娛光眇視目

會。彼。些。被。文。服。纖。麗。而。不。奇。些。長。髮。髯。鬚。豔。陸。離。些。二。八。  
齊。容。起。靜。舞。些。衽。若。交。竿。撫。案。下。些。竿。瑟。狂。會。填。鳴。鼓。些。  
宮。庭。震。驚。發。激。楚。些。吳。歎。蔡。謳。奏。大。呂。些。士。女。雜。坐。亂。而。  
不。分。些。旅。陂。組。纓。班。其。相。紛。些。鄭。衛。妖。玩。來。雜。陳。些。激。楚。  
之。結。獨。秀。先。些。葦。蔽。象。基。有。六。簿。些。分。曹。並。進。通。相。迫。些。  
成。臯。而。牟。呼。五。白。些。晉。制。犀。比。費。白。日。些。鏗。鐘。搖。麋。楔。梓。  
瑟。些。娛。酒。不。廢。沈。日。夜。些。蘭。膏。明。燭。華。鏜。錯。些。結。悵。至。思。  
蘭。芳。假。些。人。有。所。極。同。心。賦。些。耐。飲。選下有盡。歡。樂。先。故。  
些。魂。兮。歸。來。反。故。居。些。亂。曰。獻。歲。發。春。兮。汨。吾。南。征。選下有  
字萊。蘋。齋。葉。兮。白。芷。生。選下有路。貫。廬。江。兮。左。長。薄。倚。沼。  
畦。瀛。兮。遙。望。博。青。驪。結。駟。兮。齊。千。乘。懸。火。延。起。兮。元。顏。盪。  
步。及。騶。處。兮。誘。騁。先。抑。驚。若。通。兮。引。車。右。還。與。王。趨。夢。兮。  
課。後。先。君。王。親。發。兮。憚。青。兕。朱。明。承。夜。兮。時。不。可。以。選。此字無

淹。皋。蘭。被。徑。兮。斯。路。漸。湛。湛。江。水。兮。上。有。楓。目。極。千。里。兮。  
傷。春。心。魂。兮。歸。來。哀。江。南。

景。差。大。招。大招設頌之辭也若曰能用屈子則樂與今同而王業成耳青。春。受。謝。白。日。昭。昭君明政新也只。春。氣。奮。發。萬。物。還。只。冥。凌。俠。行。魂。無。逃。只。魂。魄。歸。徠。無。遠。遙。只。魂。乎。歸。徠。無。東。無。西。無。南。無。北。只。東。有。大。海。涓。水。洩。洩。只。螭。龍。並。流。上。下。悠。悠。只。霧。雨。淫。淫。白。皓。膠。只。魂。乎。無。東。湯。谷。宗。只。魂。乎。無。南。南。有。炎。火。千。里。蝮。蛇。延。只。山。林。險。隘。虎。豹。蜿。只。鰐。鱗。短。狐。王。虺。騫。只。魂。乎。無。南。賊。傷。躬。只。魂。乎。無。西。西。方。流。沙。滂。洋。洋。只。豕。首。縱。目。被。髮。鬣。只。長。爪。踞。牙。談。笑。狂。只。魂。乎。無。西。多。害。傷。只。魂。乎。無。北。北。有。寒。山。遑。龍。施。只。伐。水。不。可。涉。深。不。可。測。只。天。白。顯。顯。寒。凝。凝。只。魂。乎。無。往。盈。北。極。只。魂。魄。歸。徠。間。以。靜。只。自。恣。荆。楚。安。以。定。只。逞。志。究。欲。心。意。安。只。窮。身。安。樂。年。

壽延只魂乎歸徠樂不可言只五穀六仞設菰梁只鼎臠  
盈望和致芳只內鵠鵠味豺羹只魂乎歸徠恣所嘗只  
鮮蠭甘雞和楚醪只醢豚苦狗膾苴葍只吳酸蒿蓂不沾  
薄只魂兮歸徠恣所擇只炙鴟烝鳧黏鵝鵒只煎鱖雁雀  
遽爽存只魂乎歸徠麗以先只四酎并孰不翌隘只清馨  
凍飲不歡役只吳醴白蘖和楚瀝只魂乎歸徠不遽惕只  
代泰鄭衛鳴竿張只伏戲駕辯楚勞商只謳和楊阿趙蕭  
倡只魂乎歸徠定空桑只二八接舞投詩賦只叩鐘調磬  
娛人亂只四上競氣極聲變只魂乎歸徠聽歌謠只朱脣  
皓齒以姱只比德好閒習以都只豐肉微骨調以娛只  
魂乎歸徠安以舒只嫋目宜笑蛾眉曼只容則秀雅雅朱  
顏只魂乎歸徠靜以安只姱脩滂浩麗以佳只會頰倚耳  
曲肱親只滂心綽態姣麗施只小腰秀頸若鮮卑只魂乎



歸徠思怨移只易中利心以動作只扮白黛黑施芳澤只  
長袂拂面善留客只魂乎歸徠只娛昔只青色直眉美目  
姍只膳輔奇牙宜笑嗎只豐肉微骨體便娟只魂乎歸徠  
恣所便只夏屋廣大沙堂秀只南房小壇觀絕霑只曲屋  
步擱宜擾畜只騰駕步游獵春圃只瓊轂錯衡英華假只  
蒨蘭桂樹鬱彌路只魂乎歸徠恣志慮只孔雀盈園畜鸞  
皇只鵠鴻羣晨雜鶩鷦只鴻鵠代遊曼鸛鷀只魂乎歸徠  
鳳皇翔只曼澤怡面血氣盛只永宜厥身保壽命只室家  
盈庭爵祿盛只魂乎歸徠居室定只接徑千里出若雲只  
三圭重侯聽類神只祭篤天隱孤寡存只魂兮歸徠正始  
昆只田邑千畛人阜昌只美冒衆流德澤章只先威後文  
善美明只魂乎歸徠賞罰當只名聲若日照四海只德譽  
配天萬民理只北至幽陵南交阯只西薄羊腸東窮海只

魂乎歸徠尙賢士只發政獻行禁苛暴只舉傑壓陞誅讖  
罷只直羸在位近禹麾只豪傑執政流澤施只魂乎歸徠  
國家爲只雄雄赫赫天德明只三公穆穆登降堂只諸侯  
畢極立九卿只昭質旣設大侯張只執弓挾矢揖辭讓只  
魂乎歸徠尙三王只

賈誼惜誓。

惜余年老而日衰兮歲忽忽而不反登蒼天而高舉兮歷  
衆山而日遠觀江河之紆曲兮離四海之濶濡攀比極而  
一息兮吸沆瀣以充虛飛朱鳥使先驅兮駕太一之象輿  
蒼龍蚺虬於左驂兮白虎騁而爲右駢建日月以爲蓋兮  
載玉女於後車馳驚於杳冥之中兮休息虯崑崙之墟樂  
窮極而不厭兮願從容虯神明涉丹水而馳騁兮右大夏  
之遺風鴻鵠之一舉兮知山川之紆曲再舉兮睹天地之

園方臨中國之衆人兮託回騷乎尙羊乃至少原之壘兮  
赤松王喬皆在旁二子擁瑟而調均兮余因稱乎清商澹  
然而自樂兮吸衆氣而翱翔念我長生而久僊兮不如反  
余之故鄉黃鵠後時而寄處兮鷗梟羣而制之神龍失水  
而陸居兮爲螻蟻之所裁夫黃鵠神龍猶如此兮況賢者  
之逢亂世哉壽冉冉而日衰兮固儻回而不息俗流從而  
不止兮衆枉聚而矯直或偷合而苟進兮或隱居而深藏  
若稱量之不審兮同權槩而就衡或推遙而苟容兮或直  
言之謬謬傷誠是之不察兮并紉茅絲以爲索方世俗之  
幽昏兮眩白黑之美惡放山淵之龜王兮相與貴夫礫石  
梅伯數諫而至醢兮來革順志而用國悲仁人之盡節兮  
反爲小人之所賊比干忠諫而剖心兮箕子被髮而佯狂  
水背流而源竭兮木去根而不長非重軀以慮難兮惜傷

身之無功已矣哉獨不見夫鸞鳳之高翔兮乃集太皇之  
杼循四極而回周兮見盛德而後下彼聖人之神德兮遠  
濁世而自藏使麒麟可得羈而係兮又何以異虎犬羊

淮南小山招隱士

桂樹叢生兮山之幽偃蹇連蜷兮枝相繚山氣籠從兮石  
嵯峨谿谷蘄巖兮水曾波猿狖羣嘯兮虎豹嘒攀援桂枝  
兮聊淹留王孫遊兮不歸春草生兮萋萋歲暮兮不自聊  
蟋蟀鳴兮啾啾塊兮軋山曲嶠心淹留兮惆悵忽罔兮沕  
僚兮栗虎豹穴叢薄深林兮人上慄欽岑碣礧兮礧礧  
選作礧樹輪相糾兮林木茂飢飢青莎雜樹兮蘋草霍靡白  
鹿麕麕兮或騰或倚狀兒嶮嶮兮峨峨淒淒兮泚泚獬  
兮熊羆慕類兮以悲攀援桂枝兮聊淹留虎豹鬬兮熊羆  
咆禽獸駭兮亡其曹王孫兮歸來山中兮不可以久留

東方朔七諫

平生於國兮長於原。壘言語訥。認兮又無彊。輔淺智。福能  
兮。聞見又寡。數言便事兮。見怨門下。王不察其長利兮。卒  
見棄乎原。壘伏念思過兮。無可改者。羣衆成朋兮。上浸以  
惑。巧佞在前兮。賢者滅息。堯舜聖已沒兮。孰爲忠直。高山  
崔巍兮。水流湯湯。死日將至兮。與麋鹿同坑。塊兮。鞠富道  
宿。舉世皆然兮。余將誰告。斥逐鴻鵠兮。近昌鴟梟。斯伐橘  
柚兮。列樹苦挑。便娟之脩竹兮。寄生乎江潭。上葳蕤而防  
露兮。下泠泠而來風。孰知其不合兮。若竹柏之異心。往者  
不可及兮。來者不可待。悠悠蒼天兮。莫我振理。竊怨君之  
不寤兮。吾獨死而後已。

初放

惟往古之得失兮。覽私微之所傷。堯舜聖而慈仁兮。後世

稱而弗忘齊桓失於專任兮夷吾忠而名彰晉獻惑於驪  
姬兮申生孝而被殃偃王行其仁義兮荆文寤而徐亡紂  
暴虐以失位兮周得佐乎呂望脩往古以行恩兮封比干  
之邱隲賢俊慕而自附兮日浸淫而合同明法令而脩理  
兮蘭芷幽而有芳苦衆人之妒子兮箕子寤而徯狂不顧  
地以貪名兮心怫鬱而內傷聯蕙芷以爲佩兮過鮑肆而  
失香正臣端其操行兮反離諷而見攘世俗更而變化兮  
伯夷餓於首陽獨廉潔而不容兮叔齊久而逾明浮雲陳  
而蔽晦兮使日月乎無光忠臣貞而欲諫兮讒諛毀而在  
旁秋草榮其將實兮微霜下而夜降商風肅而害生兮百  
草育而不長衆並諧以妬賢兮孤聖特而易傷懷計謀而  
不見用兮巖穴處而隱藏成功墮而不卒兮子胥死而不  
葬世從俗而變化兮隨風靡而成行信直退而毀敗兮虛

偽進而得當追悔過之無及兮豈盡忠而有功廢制度而  
不用兮務行私而去公終不變而死節兮惜年齒之未央  
將方舟而下流兮冀幸君之發矇痛忠言之逆耳兮恨申  
子之沈江願悉心之所聞兮遭值君之不聰不開寤而難  
道兮不別橫之與縱聽姦臣之浮說兮絕國家之久長滅  
規槩而不用兮背繩墨之正方離憂患而乃寤兮若縱火  
於秋蓬業失之而不救兮尙何論乎禍凶彼離畔而朋黨  
兮獨行之士其何望日漸染而不自知兮秋豪微哉而變  
容衆輕積而折軸兮原咎雜而累重赴湘沅之流澌兮恐  
逐波而復東懷沙礫而自沈兮不忍見君之蔽壅詞氣憤  
遠矣

沈江

世沈淖而難論兮俗吟峨而慘嗟清冷冷而殲滅兮涸湛

湛而日多梟鴉旣以成羣兮元鶴弭翼而屏移蓬艾親人  
御於牀第兮馬蘭踈踈而日加棄捐葑芷與杜蘅兮余奈  
世之不知芳何何周道之平易兮然蕪穢而險巖高陽無  
故而委塵兮唐虞黜灼而毀議誰使正其真是兮雖有入  
師而不可爲皇天保其高兮后土持其久服清白以逍遙  
兮偏與乎元英異色西施媿媿而不得見兮蓼母劬屑而  
日侍桂蠹不知所淹留兮蓼蟲不知徙平蔡菜處澁澁之  
濁世兮今安所達乎吾志意有所載而遠逝兮固非衆人  
之所識騶躡躡於樊葦兮遇孫陽而得代呂望窮困而不  
聊生兮遭周文而舒志甯戚飯牛而商歌兮桓公聞而弗  
置路室女之方桑兮孔子過之以自侍吾獨乖刺而無當  
兮心悼怵而耄思思比干之忤忤兮哀子胥之愼事悲楚  
人之和氏兮獻寶玉以爲石遇厲武之不察兮羌兩足以



畢斯小人之居勢兮視忠正之何若改前聖之法度兮喜  
囁嚅而妄作親讒諛而疏賢聖兮訟謂閭閻爲醜惡愉近  
習而蔽遠兮孰知察其黑白卒不得效其心容兮安眇眇  
而無所歸薄專精爽以自明兮晦冥冥而壅蔽年旣已過  
大半兮然輜軻而留滯欲高飛而遠集兮恐離罔而滅敗  
獨冤抑而無極兮傷精神而壽夭皇天旣不純命兮余生  
終無所依願自沈於江流兮絕橫流而徑逝甯爲江海之  
泥沙兮安能久見此濁世

怨世

賢士窮而隱處兮廉方正而不容子胥諫而靡軀兮比干  
忠而剖心子推自割而臥君兮德日忘而怨深行明白而  
曰黑兮荆棘聚而成林江離棄於窮巷兮蒺藜蔓乎東廂  
賢者蔽而不見兮讒諛進而相朋梟鴟並進而俱鳴兮鳳

皇飛而高翔願壹往而徑逝兮道壅絕而不通

怨思

居愁慙其誰告兮獨永思而憂悲內自省而不慙兮操愈  
堅而不衰隱三年而無決兮歲忽忽其若頽憐余身不足  
以卒意兮冀一見而復歸哀人事之不幸兮屬天命而委  
之咸池身被疾而不閒兮心沸熱其若湯冰炭不可以相  
並兮吾固知平命之不长哀獨苦死之無樂兮惜余年之  
未決悲不得反余之所居兮恨離余之故鄉鳥獸驚而失  
羣兮猶高飛而哀鳴狐死必首邱兮夫人孰能不反其眞  
情故人疏而日忘兮新人近而僉好莫能行於杳冥兮孰  
能施於無報苦衆人之皆然兮乘回風而遠遊凌區山其  
若陋兮聊愉娛以忘憂悲虛言之無實兮苦衆口之鑠金  
過故鄉而一顧兮泣歔歔而霑衿厭白玉以爲面兮懷琬

貽以爲心邪氣人而感內兮施玉色而外淫何青雲之流  
瀾兮微霜降之蒙蒙徐風至而徘徊兮疾風過之湯湯聞  
南藩樂而欲往兮至會稽而且止見韓眾而宿之兮問天  
道之所在借浮雲以送余兮載雖霓而爲旌駕青雲以馳  
騫兮班衍衍之冥冥忽容容其安之兮超慌忽其焉如苦  
衆人之難信兮願離羣而遠舉登巒山而遠望兮好桂樹  
之冬榮觀大火之炎陽兮聽大壑之波聲引八維以自道  
兮合沆澹以長生居不樂以時思兮食草木之秋實飲菌  
若之朝露兮謂桂木而爲室雜橘柚以爲園兮列新夷與  
椒楨踴雞孤而夜號兮哀居者之誠貞

自悲

哀時命之不合兮傷楚國之多憂內懷情之潔白兮遭亂  
世而離尤惡耿介之直行兮世溷濁而不知何君臣之相

失兮上沅湘而分離測汨羅之湘水兮知時固而不反傷  
離散之交亂兮遂側身而旣遠處元舍之幽門兮穴巖石  
而窟伏從水蛟而爲徒兮與神龍乎休息何山石之嶄巖  
兮靈魂屈而偃蹇含素水而蒙深兮日眇眇而旣遠哀形  
體之離解兮神罔兩而無舍惟椒蘭之反兮魂迷惑而  
不知路願無過之設行兮雖滅沒之自樂痛楚國之流亡  
兮哀靈脩之過到固時俗之溷濁兮志瞀迷而不知路念  
私門之正匠兮遙涉江而遠去念女嬃之嬋媛兮涕泣流  
乎於悵我決死而不生兮雖重追吾何及戲疾瀨之素水  
兮望高山之蹇產哀高邱之赤岸兮遂沒身而不反

哀命

怨靈脩之浩蕩兮夫何執操之不固悲太山之爲隍兮孰  
江河之可涸願承閒而效志兮恐犯忌而干諱卒撫情以

寂寞兮然怊悵而自悲王與石而同匱兮貫魚眼與珠璣  
駑駘雜而不分兮服罷牛而驂驥年滔滔而日遠兮壽冉  
冉而愈衰心怵憚而煩冤兮蹇超搖而無冀固時俗之工  
巧兮滅規橈而改錯却騏驥而不乘兮策鴛鴦而取路當  
世豈無騏驥兮誠無王良之善馭見執轡者非其人兮故  
駒跳而遠去不量鑿而正柶兮恐策獲之不同不論世而  
高舉兮恐操行之不調孤弓弛而不張兮孰云知其所至  
無傾危之患難兮焉知賢士之所死俗推佞而進富兮節  
行張而不著賢良蔽而不羣兮朋曹比而薰譽邪枉說飾  
而多曲兮正法弧而不公直士隱而辟匿兮讒諛登乎明  
堂棄彭咸之娛樂兮滅巧倖之繩墨莠蕀雜於廢蒸兮機  
蓬矢以射革駕蹇驥而無策兮又何路之能極以直鉞而  
爲釣兮又何魚之能得伯牙之絕絃兮無鍾子期而聽之

和抱璞而泣血兮安得良工而剖之同音者相和兮同類  
者相似飛鳥號其羣兮鹿鳴求其友故叩宮而宮應兮彈  
角而角動虎嘯而谷風至兮龍舉而景雲往音聲之相和  
兮言物類之相感也夫方圓之異形兮勢不可以相錯列  
子隱身而窮處兮世莫可以寄託衆鳥皆有行列兮鳳獨  
翱翔而無所薄經濁世而不得志兮願側身巖穴而自託  
欲闔口而無言兮嘗被君之厚德獨便娟而懷毒兮愁鬱  
鬱之焉極念三年之積思兮願壹見而陳詞不及君而騁  
說兮世孰可爲明之身寢疾而日愁兮情沈抑而不揚衆  
人莫可與論道兮悲精神之不通

諺諫

亂曰鸞皇孔鳳日以遠兮畜鳧駕鵝雞鴛滿堂壇兮鼃鼃  
游乎華池要褻奔亡兮騰駕橐駝鉛刀進御兮遙棄太阿

拔舉元芝兮列樹芋荷橘柚委枯兮苦李旃旒颺颺登於  
明堂兮周鼎潛乎深淵自古而固然兮吾又何怨乎今之  
人

莊忌哀時命。

哀時命之不及古人兮夫何予生之不遘時往者不可扳  
援兮徠者不可與期志憾恨而不逞兮杼中情而屬詩夜  
炯炯而不寐兮懷隱憂而歷茲心鬱鬱而無告兮衆孰可  
與深謀欲愁悴而委情兮老冉冉而逮之居處愁以隱約  
兮志沈抑而不揚道壅塞而不通兮江河廣而無梁願至  
崑崙之懸圃兮采鍾山之玉英擘瑤木之杼枝兮望閭風  
之板桐弱水汨其爲難兮路中斷而不通勢不能凌波以  
徑度兮又無羽翼而高翔然隱憫而不達兮獨徙倚而彷徨  
悵惆悵以永思兮心紆軫而增傷倚躊躇以淹留兮日

饑饉而絕糧廓抱景而獨倚兮超永思乎故鄉廓落寂而  
無友兮誰可與玩此遺芳白日日晚晚其將入兮哀余壽之  
弗將車旣弊而馬罷兮蹇逕徊而不能行身旣不容於濁  
世兮不知進退之宜當冠崔嵬而切雲兮劍淋離而從橫  
衣攝葉以備與兮左袪挂於搏桑右袪拂於不周兮六合  
不足以肆行上同鑒柄於伏戲兮下合桀獲於虞唐願尊  
節而式高兮志猶卑夫禹湯雖知因其不改操兮終不以  
邪枉害方世並舉而好朋兮壹斗斛而相量衆比周以肩  
迫兮賢者遠而隱藏爲鳳皇作鶉籠兮雖翕翅其不容靈  
皇其不寤知兮焉陳詞而効忠俗嫉妬而蔽賢兮孰知余  
之從容願舒志而抽馮兮庸詎知其吉凶璋珪雜於甌窰  
兮隴廉與孟嬃同宮舉世以爲恆俗兮固將愁苦而終窮  
幽獨轉而不寐兮惟煩滿而盈何魂眇眇而馳騁兮心煩



宛之惺惺志欲憾而不憾兮路幽昧而甚難塊獨守此曲隅兮然欲切而永歎愁脩夜而宛轉兮氣滄滄其若波握剖廁而不用兮操規槩而無所施騁騏驎於中庭兮焉能極夫遠道置獲狄於櫺檻兮夫何以責其捷巧駟跛鼈而上山兮吾固知其不能陞釋管晏而任臧獲兮何權衡之能稱篋簋雜於廢蒸兮機逢矢以射革負檐荷以丈尺兮欲伸要而不可得外迫習於機臂兮上牽聯於矰雉肩傾側而不容兮固隄腹而不得息務光自投於深淵兮不獲世之塵垢孰魁摧之可久兮願退身而窮處鑿山楹而爲室兮下被衣於水渚霧露濛濛其晨降兮雲依斐而承宇虹霓紛其朝霞兮夕淫淫而淋雨招茫茫而無歸兮悵遠望此曠野下垂釣於谿谷兮上要求於僊者與赤松而結友兮比王喬而爲耦使臯楊先導兮白虎爲之前後浮雲

霧而入冥兮，騎白鹿而容與。魂眈眈以寄獨兮，汨徂往而不歸。處卓卓而日遠兮，志浩蕩而傷懷。鸞鳳判於蒼雲兮，故增繳而不能加。蛟龍潛於旋淵兮，身不挂於罔羅。知貪餌而近死兮，不如下游乎清波。留幽隱以遠禍兮，孰侵辱之可爲。子胥死而成義兮，屈原沈於汨羅。雖體解其不變兮，豈忠信之可化。志忤忤而內直兮，履繩墨而不頗。執權衡而無私兮，稱輕重而不差。抵塵垢之枉穢兮，除穢累而反貞形。體白而質素兮，中皎潔而淑清。時厭飫而不用兮，且隱伏而遠身。聊竄端而匿迹兮，嘆寂默而無聲。獨便僻而煩毒兮，焉發憤而抒情。時曖曖其將罷兮，遂悶歎而無名。伯夷死於首陽兮，卒天隱而不榮。太公不遇文王兮，身至死而不得逞。懷瑤象而佩瓊兮，願陳列而無正。生天墜之若過兮，忽爛漫而無成。邪氣襲余之形體兮，疾疢怛而

萌生願晝見陽春之白日兮恐不終乎永年

劉向九歎

伊伯庸之未冒兮諒皇直之屈原云余肇祖於高陽兮惟  
楚懷之嬋連原生受命於貞節兮鴻永路有嘉名齊名字  
於天地兮並光明於列星吸精粹而吐氛濁兮橫邪世而  
不取容行叩誠而不阿兮遂見排而逢讒后聽虛而黜實  
兮不吾理而順情腸憤悵而含怒兮志遷蹇而左傾心慙  
愧而不我與兮躬速速而不吾親辭靈脩而隕意兮吟澤  
畔之江濱椒桂羅以顛覆兮有湯信而歸誠讒夫謫諂而  
曼著兮曷其不舒于情始結言於廟堂兮信中塗而叛之  
懷蘭蕙與蘅芷兮行中塗而散之聲哀哀而懷高邱兮心  
愁愁而思舊邦願承間而自恃兮徑淫曠而道靡顏黷鷃  
以沮敗兮情越裂而衰羣裳襜褕而含風兮衣納納而掩

露。赴。江。湘。之。湍。流。兮。順。波。濤。而。下。降。徐。徘徊。於。山。阿。兮。飄。  
風。來。之。洶。洶。馳。余。車。兮。元。石。步。余。馬。兮。洞。庭。平。明。發。兮。蒼。  
梧。夕。投。宿。兮。石。城。芙。蓉。蓋。而。蒨。華。車。兮。紫。貝。闕。而。玉。堂。薜。  
荔。飾。而。陸。離。薦。兮。魚。鱗。衣。而。白。蜺。袞。登。逢。龍。而。下。隕。兮。遠。  
故。都。之。漫漫。思。南。郢。之。舊。俗。兮。腸。一。夕。而。九。運。揚。流。波。之。  
潢。潢。兮。體。溶。溶。而。東。回。心。招。悵。以。永。思。兮。意。晻。晻。而。自。頽。  
白。露。紛。紛。以。塗。塗。兮。秋。風。瀏。瀏。以。蕭。蕭。身。永。流。而。不。還。兮。  
魂。長。逝。而。常。愁。

歎。日。譬。彼。流。水。紛。揚。礚。兮。波。逢。洶。湧。紛。滂。沛。兮。掄。揚。滌。盪。  
漂。流。隕。往。觸。岑。石。兮。龍。叩。將。圖。繚。戾。宛。轉。阻。相。薄。兮。遭。紛。  
逢。凶。蹇。離。尤。兮。垂。文。揚。采。遺。將。來。兮。

逢紛

靈。懷。其。不。吾。知。兮。靈。懷。其。不。吾。聞。就。靈。懷。之。皇。祖。兮。愬。靈。

懷之鬼神靈懷曾不吾知兮即聽夫讒人之諛辭余辭上  
參於天墜兮旁引之於四時指日月使廷照兮撫招搖以  
質正立師曠俾端詞兮命咎繇使並聽兆出名曰正則兮  
卦發字曰靈均余幼既有此鴻節兮長愈固而彌純不從  
俗而諛行兮直躬指而信志不枉繩以追曲兮屈情素以  
從爭端余行其如玉兮述皇輿之踵迹羣阿容以晦光兮  
皇輿覆以幽辟輿中塗以回畔兮駟馬驚而橫犇執紼者  
不能制兮必折軛而摧轅斷鑣銜以馳驚兮暮去次而敢  
止路蕩蕩其無人兮遂不禦乎千里身衡陷而下沈兮不  
可獲而復登不顧身之卑賤兮惜皇輿之不與出國門而  
端指兮方冀壹寤而錫還哀僕夫之坎毒兮屢離憂而逢  
患九年之中不吾反兮思彭咸之水遊惜師延之浮渚兮  
赴汨羅之長流遶曲江之逶移兮觸石碣而衡遊波灋灋

而揚澆兮順長瀨之濁流凌黃沱而下低兮思還流而復  
反元輿馳而並集兮身容與而日遠擢舟杭以橫瀟兮濟  
湘流而南極立江界而長吟兮愁哀哀而累息情慌忽以  
忘歸兮神浮遊以高厲志蛩蛩而懷顧兮魂眷眷而獨逝  
歎曰余思舊邦心依違兮日暮黃昏嗟幽悲兮去郢東遷  
余誰慕兮譔夫黨旅其以茲故兮河水淫淫情所願兮願  
瞻郢路終不返兮

靈懷

惟鬱鬱之憂毒兮志坎壈而不違身憔悴而考旦兮日黃  
昏而長悲閔空宇之孤子兮哀枯楊之冤鵠孤雌吟於高  
壙兮鳴鳩棲於桑榆元蠖失於潛林兮獨偏棄而遠放征  
夫勞於周行兮處婦憤而長望申誠信而罔違兮情素潔  
於紉帛光明齊於日月兮文采耀於玉石傷壓次而不發

兮思沈抑而不揚芳懿懿而終敗兮名靡散而不彰昔玉  
門以犇驚兮蹇離尤而干詬若龍逢之沈首兮王子比干  
之逢醢念社稷之幾危兮反爲讐而見怨思國家之離沮  
兮躬獲愆而結難若青蠅之僞質兮晉驪姬之反情恐登  
階之逢殆兮故退伏於末庭孽子之號咷兮本朝蕪而不  
治犯顏色而觸諫兮反蒙辜而被疑苑薜蘿與菌若兮漸  
棄本於汾瀆淹芳芷於腐井兮弄雞駭於筐籠執棠谿以  
荆蓬兮秉干將以割肉筐澤瀉以豹鞬兮破荆和以繼築  
時溷濁猶未清兮世殺亂猶未察欲容與以俟時兮懼年  
歲之旣晏顧屈節以從流兮心鞏鞏而不夷甯浮沉而馳  
騁兮下江湘以邇迴

歎日山中檻檻余傷懷兮征夫皇皇其孰依兮經營原野  
杳冥冥兮乘騏驎騏驎舒吾情兮歸骸舊邦莫誰語兮長辭

遠逝乘湘去兮

離世

志隱隱而鬱悌兮愁獨哀而冤結腸紛紆以繚轉兮涕漸  
漸其若屑情慨慨而長懷兮信上皇而質正合五嶽與八  
靈兮訊九魁與六神指列宿以白情兮訴五帝以置詞北  
斗爲我質中兮太一爲余聽之云服陰陽之正道兮御后  
土之中和佩蒼龍之蚺虬兮帶隱虹之透蜺曳彗星之皓  
旰兮撫朱爵與鷄鵲遊清霧之颯戾兮服雲衣之披披杖  
玉策與朱旗兮垂明月之元珠舉霓旌之璫翳兮建黃昏  
之總旄躬純粹而罔愆兮承皇考之妙儀惜往事之不合  
兮橫汨羅而下厲乘隆波而南度兮逐江湘之順流赴陽  
侯之潢洋兮下石瀨而登洲陵魁堆以蔽視兮雲冥冥而  
闇前山峻高以無垠兮遂會閔而迫身雪雰雰而薄木兮



雲霏霏而隕集阜隘狹而幽險兮石嵒嵒以翳日悲故鄉  
而發念兮去余邦之彌久背龍門而入河兮登大墳而望  
夏首橫舟航而濟湘兮耳聊嗽而懷慌波淫淫而周流兮  
鴻溶溢而滔蕩路曼曼其無端兮周容容而無識引日月  
以指極兮少須臾而釋思水波遠以冥冥兮眇不睹其東  
西順風波以南北兮霧宵晦以紛闇日杳杳以西頽兮路  
長遠而窘迫欲酌醴以娛意兮蹇騷騷而不釋

歎曰飄風蓬龍埃拂拂兮草木搖落時槁悴兮遭傾遇禍  
不可救兮長吟永歎涕究究兮舒情嘯詩冀以自免兮頽  
流下逝身日以遠兮

怨思

悲余性之不可改兮屢懲艾而不迺服覺酷以殊俗兮貌  
揭揭以巍巍譬若王儁之乘雲兮載赤霄而凌太清欲與

天地參壽兮與日月而比榮登崑崙而北首兮悉靈囿而  
來謁選鬼神於太陰兮登閭闔於元闕回朕車俾西引兮  
褰虹旗於玉門馳六龍於三危兮朝四靈於九濱結余軫  
於西山兮橫飛谷以南征絕都廣以直指兮歷祝融於朱  
冥枉玉衡於炎火兮委兩館於咸唐貫瀕濛以東場兮維  
六龍於扶桑周流覽於四海兮志升降以高馳徵九神於  
回極兮建虹采以招指駕鸞鳳以上游兮從元鶴與鷦明  
孔鳥飛而送迎兮騰羣鶴於瑤光排帝宮與羅囿兮升縣  
圃以眩滅結瓊枝以雜佩兮立長庚以繼日凌驚雷以軼  
駭電兮綴鬼谷於北辰鞭風伯使先驅兮囚靈元於虞淵  
愬高風以徘徊兮覽周流於朔方就顙頊而陳詞兮考元  
冥於空桑旋車逝於崇山兮奏虞舜於蒼梧濟楊舟於會  
稽兮就申胥於五湖見南郢之流風兮殞余躬於沅湘望

舊邦之黜黜兮時溷濁猶未央懷蘭茝之芬芳兮妒被離而折之張絳帷以褰襜兮風邑邑而蔽之日噉噉其西舍兮陽炎炎而復顧聊假日以須臾兮何騷騷而自故歎曰譬彼蛟龍乘雲浮兮汎淫傾溶紛若霧兮潺湲轉轉雷動電發馭高舉兮升虛凌冥沛濁浮清入帝宮兮搖翹奮羽馳風騁雨游無窮兮

遠逝

覽屈氏之離騷兮心哀哀而拂鬱聲嗷嗷以寂寥兮顧僕夫之憔悴撥諂諛而匡邪兮切渙忽之流俗盪澀淩之姦咎兮夷蠶蠹之溷濁懷芬香而挾蕙兮佩江離之菲菲握申椒與杜若兮冠浮雲之峨峨登長陵而四望兮覽芷圃之蠺蠶游蘭皋與蕙林兮睨玉石之嶮巇揚精華以眩耀兮芳鬱渥而純美結桂樹之旖旎兮紉荃蕙與辛夷芳若

茲而不御兮捐林薄而苑死  
騷子僑之犇走兮申徒狄之  
赴淵若夷由之純美兮介子  
推之隱山晉申生之離殃兮  
荊和氏之泣血吳子胥之抉  
眼兮王子比干之橫廢欲卑  
身而下體兮心隱惻而不置  
方圓殊而不合兮鉤繩用而  
異態欲缺時於須臾兮日陰  
瞋其將暮時遲遲其日進兮  
年忽忽而日度妄周容而入  
世兮內距閉而不開埃時風  
之清激兮愈氛霧其如塵進  
雄鳩之耿耿兮譏紛紛而蔽  
之默順風以偃仰兮尙由由  
而進之心憤恨以冤結兮情  
舛錯以曼曼蹇薜荔於山野  
兮采撚枝於中州望高邱而  
歎涕兮悲吸吸而長懷孰契  
契而委棟兮日晼晼而下頽  
歎曰油油江湘長流汨兮挑  
揄揚波盪迅疾兮憂心展轉  
愁悒鬱兮冤結未舒長隱念  
兮丁時逢殃孰可奈何兮勞  
心涓涓涕洟沱兮

惜賢

悲余心之惛惛兮哀故邦之逢殃辭九年而不復兮獨勞  
瘁而南行思余俗之流風兮心紛錯而不受遵墊莽以呼  
風兮步從容於山藪巡陸夷之曲衍兮幽空虛以窺冥倚  
石巖以流涕兮憂憔悴而無樂登巘岵以長企兮望南郢  
而闕之山脩遠其遼遼兮塗漫漫其無時聽元鶴之晨鳴  
兮于高岡之峨峨獨憤積而哀娛兮翔江洲而安歌三鳥  
飛飛以自南兮覽其志而欲北願寄言於三鳥兮去飄疾  
而不可得欲遷志而改操兮心紛結而未離外彷徨而遊  
覽兮內惻隱而含哀聊須臾以時忘兮心漸漸其煩錯願  
假簧以舒憂兮志紆鬱其難釋歎離騷以揚意兮猶未殫  
於九章長嘯吸以於悵兮涕橫集而成行傷明珠之赴泥  
兮魚眼璣之堅藏同鴛鴦與乘駟兮雜班駁與闐茸葛藟

蘼於桂樹兮鵲鴉集於木蘭偃促談於廊廟兮律魁放乎  
山間惡虞氏之簫韶兮好遺風之激楚潛周鼎於江淮兮  
爨土鬻於中宇且人心之有舊兮而不可保長邙彼南道  
兮以征夫宵行思念郢路兮還顧睖睖涕流交集兮泣下  
漣漣

歎曰登山長望中心悲兮苑彼青青泣如頽兮留思比顧  
涕漸漸兮折銳摧矜凝汜濫兮念我熒熒魂誰求兮僕夫  
憔悴散若流兮

### 憂苦

昔皇考之嘉志兮喜登能而亮賢情純潔而罔蔽兮姿盛  
質而無愆放佞人與諂諛兮斥讒夫與便嬖親忠正之惓  
誠兮招貞良與明智心溶溶其不可量兮情澹澹其若淵  
回邪辟而不能入兮誠願藏而不可遷逐下袂於後堂兮

迎宓妃於伊雒制讒賊於中庭今選呂管於榛蕪叢林之下無怨士兮江河之畔無隱夫三苗之徒以放逐兮伊皋之倫以充廬今反表以爲裏兮顛裳以爲衣戚宋萬於兩楹兮廢周邵於遐夷却騏驎以轉運兮騰驢羸以馳逐蔡女黜而出帷兮戎婦人而綵繡服慶忌囚於阱室兮陳不古戰而赴圍破伯牙之號鍾兮挾人箏而彈緯藏璫石於金匱兮捐赤瑾於中庭韓信蒙於介冑兮行夫將而攻城莞芎棄於澤洲兮鮑鹽蠹於筐籠麒麟奔於九皋兮熊羆羣而逸固折芳枝與瓊華兮樹枳棘與薪柴掘荃蕙與射干兮耘藜藿與蘘荷惜今世其何殊兮遠近思而不同或沈淪其無所達兮或清激其無所通哀余生之不當兮獨蒙毒而逢尤雖寒暑以申志兮君乖差而屏之誠惜芳之菲菲兮反以茲爲腐也懷椒聊之藹藹兮乃逢紛以罹詬

歎曰嘉皇既歿終不返兮山中幽險郢路遠兮讒人譏謔  
孰可憫兮征夫罔極誰可語兮行吟累歎聲喟喟兮懷憂  
含戚何佗僚兮

愍命

冥冥深林兮樹木鬱鬱山參差以嶄巖兮阜杳杳以蔽日  
悲余心之惛惛兮目眇眇而遺泣風騷屑以搖木兮雲吸  
吸以湫戾悲余生之無歡兮愁倥偬於山陸旦徘徊於長  
阪兮夕彷徨而獨宿髮披披以鬢鬢兮躬劬勞而瘖瘖魂  
怔怔而南行兮泣霑襟而濡袂心嬋媛而無告兮口噤閉  
而不言遠郢都之舊閭兮回湘沅而遠遷念余邦之摧陷  
兮宗鬼神之無次閔先嗣之中絕兮心遑惑而自悲助浮  
游於山隱兮步周流於江畔臨深水而長嘯兮且倘佯而  
北觀興離騷之微文兮冀靈修之壹悟還余車於南郢兮



復往軌於初古道修遠其難遷兮傷余心之不能已背三五之典刑兮絕洪範之辟紀播規矩以背度兮錯權衡而任意操繩墨而放棄兮傾容幸而侍側甘棠枯於豐草兮藜棘樹於中庭西施斥於北宮兮化惟倚於彌楹烏獲或而驟乘兮燕公操於馬圉踰躡登於清府兮咎繇棄於墜外蓋見茲以永歎兮欲登階而狐疑築白水而高驚兮因徒弛而長詞

歎曰倘佯壘阪沿水深兮容與漢渚涕淫淫兮鍾牙已死誰爲聲兮纖阿不迴焉舒情兮曾哀悽欷心離離兮還願高邱泣如灑兮

思古

揚雄反離騷

并序  
漢書

誰怪屈原文過相如至不容作離騷自投江而死悲其文

讀之未嘗不流涕也。目爲君子得時則大行，不得時則龍蛇遇不遇命也。何必湛身哉？迺作書往往撫離騷文而反之。自嶠山投諸江流，以弔屈原名曰反離騷。

有周氏之嬋嬋兮，或鼻祖於汾隅。靈宗初諫伯僑兮，流于未之揚。俟淑周楚之豐烈兮，超旣離虜。皇波因江潭而泯，訛兮欽弔楚之湘。纍惟天軌之不辟兮，何純潔而離紛紛。纍目其洪忽兮，暗纍目其續紛。漢十世之陽朔兮，招搖紀於周正。正皇天之清則兮，度后土之方貞。圖纍承彼洪族兮，又覽纍之昌辭。帶鉤矩而佩衡兮，履櫬槍目爲慕。纍初貯厥麗服兮，何文肆而質。離資嫵娃之珍髢兮，鬻九戎而索賴。鳳皇翔於蓬階兮，豈駕鷺之能捷。騁驂臨目曲蘗兮，驅驅連蹇而齊足。枳棘之榛榛兮，蝦蟆擬而不敢下。靈脩旣信椒蘭之曖佞兮，吾纍忽焉而不蚤睹。衿芰荷之綠衣。

今被芙蓉之朱裳芳酷烈而莫聞兮固不如裝而幽之離  
房閨中容競淖約兮相態日麗佳知衆嫔之嫉妒兮何必  
颺纍之娥眉醺神龍之淵潛兮埃慶雲而將舉亡春風之  
被離兮孰焉知龍之所處愍吾纍之衆芬兮颺燿燿之芳  
苓遭季夏之凝霜兮慶天悴而喪榮橫江湖已南注兮云  
走平彼蒼吾馳江潭之汎溢兮將折衷厚重華舒中情之  
煩或兮恐重華之不纍與陵陽侯之素波兮豈吾纍之獨  
見許精瓊靡與秋菊兮將已延夫天年臨汨羅而自隕兮  
恐日薄於西山解扶桑之總轡兮縱令之遂奔馳鸞皇騰  
而不屬兮豈獨飛順與雲師卷薜芷與若蕙兮臨湘淵而  
投之楫申椒與菌桂兮赴江湖而漚之費椒稱曰要神兮  
又勤索彼瓊茅違靈氛而不從兮反湛身於江皋纍旣兆  
夫傳說兮奚不信而遂行徒恐鸛鵒之將鳴兮願先百草

爲不芳初纍棄彼處妃兮更思瑤臺之逸女評雄鵠曰作  
媒兮何百離而曾不壹耦乘雲蜨之旖旎兮望崑崙兮穆  
流覽四荒而顧懷兮奚必云女彼高邱旣亡鸞車之幽謁  
兮焉駕八龍之委蛇臨江潁而掩涕兮何有九招與九歌  
夫聖哲之不遭兮因時命之所有雖增欷曰於邑兮吾恐  
靈修之不纍改昔仲尼之去魯兮斐斐遲遲而周邁終回  
復於舊都兮何必湘淵與濤瀨溷漁父之餽歎兮絜沐浴  
之振衣弃由聘之所珍兮蹠彭咸之所遺

枚乘七發

楚太子有疾而吳客往問之曰伏聞太子玉體不安亦少  
聞乎太子曰憊謹謝客客因稱曰今時天下安甯四宇和  
平太子方富於年意者久耽安樂日夜無極邪氣襲逆中  
若結轡紛屯澹淡嘘唏煩醒惕惕不得瞑虛中重

聽惡聞人聲精神越渫百病咸生聰明眩曜悅怒不平久  
執不廢大命乃傾太子豈有是乎太子曰謹謝客賴君之  
力時時有之然未至於是也客曰今夫貴人之子必宮居  
而閨處內有保母外有傅父欲交無所飲食則溫清甘膳  
腥醢肥厚衣裳則雜選曼煖燂爍熱暑雖有金石之堅猶  
將銷鑠而挺解也況其在筋骨之間乎哉故曰縱耳目之  
欲恣支體之安首傷血脈之和且夫出與入輦命曰壓瘵  
之機洞房清宮命曰寒熱之媒皓齒娥眉命曰伐性之斧  
甘脆肥膾命曰腐腸之藥今太子膚色靡曼四支委隨筋  
骨挺解血脈淫濯手足惰頹越女侍前齊姬奉後往來游  
離縱恣於曲房隱間之中此甘餐毒藥戲猛獸之爪牙也  
所從來者至深遠淹滯永久而不廢雖令扁鵲治內巫咸  
治外尚何及哉今如太子之病者獨宜世之君子博見彊

識承閒語事變度易意常無離側以爲羽翼淹沈之樂沽  
唐之心過佚之志其奚由至哉太子曰諾病已請事此言  
客曰今太子之病可無藥石針刺灸療而已可以要言妙  
道說而去也不欲聞之乎太子曰侯願聞之客曰龍門之  
桐高百尺而無枝中鬱結之輪菌根扶疏以分離上有千  
仞之峯下臨百丈之谿湍流遡波又澹淡之其根半死半  
生冬則烈風凜霰飛雪之所激也夏則雷霆霹靂之所感  
也朝則鷓鴣黃鸝鳴鳴焉暮則羈雌迷鳥宿焉獨鶴晨號乎  
其上鳴聲哀鳴翔乎其下於是背秋涉冬使琴擊斫斬以  
爲琴野蘭之絲以爲絃孤子之鈎以爲隱九寡之珥以爲  
約使師堂操暢伯牙爲之歌歌曰麥秀蘼兮雉朝飛向虛  
寥兮背樛櫨依絕區兮臨迴溪飛鳥聞之翕翼而不能去  
野獸聞之垂耳而不能行蛟螭螻蟻聞之柱喙而不能前

此亦天下之至悲也太子能彊起聽之乎太子曰僕病未能也

客曰犒牛之腴菜以筍蒲肥狗之和冒以山膚楚苗之食安胡之飯搏之不解一啜而散於是使伊尹煎熬易牙調和熊蹯之臠勺藥之醬薄耆之炙鮮鯉之醢秋黃之蘇白露之茹蘭英之酒酌以滌口山梁之餐參豹之胎小飯大歡如湯沃雪此亦天下之至美也太子能彊起嘗之乎太子曰僕病未能也

客曰鍾鼓之牡齒至之車前似飛鳥後類距虛稻麥服處躁中煩外羈堅轡附易路於是伯樂相其前後王良適父爲之御秦叔樓季爲之右此兩人者馬佚能止之車覆能起之於是使射干鎡之重爭千里之逐此亦天下之至駿也太子能彊起乘之乎太子曰僕病未能也

客曰既登景夷之臺南望荆山北望汝海左江右湖其樂  
無有於是使博辯之士原本山川極命草木比物屬事離  
辭連類浮游覽觀乃下置酒於虞懷之宮連廊四注臺城  
層構紛紜元綠輦道邪交黃池紆曲涵章白鷺孔雀鸕鶿  
鵝鵠鵒鵲翠鬘紫纓螭龍德牧邕邕羣鳴陽魚騰躍奮翼  
振鱗淑濲壽蓼蔓草芳苓女桑河柳素葉紫莖苗松豫章  
條上造天梧桐并閭極望成林衆芳芬鬱亂於五風從容  
猗靡消息陽陰列坐縱酒蕩樂娛心景春佐酒杜連理育  
滋味雜陳肴糝錯該練色娛目流聲悅耳於是乃發激楚  
之結風揚鄭衛之皓樂使先施徵舒陽文段干吳娃閭娵  
傅子之徒雜裾垂髻目窈心與掄流波雜杜若蒙清塵被  
蘭澤嫵服而御此亦天下之靡麗皓侈廣博之樂也太子  
能彊起游乎太子曰僕病未能也



客曰將爲太子馴騏驎之馬駕飛軺之輿乘牡駿之乘白  
夏服之勁箭左烏號之彤弓游涉乎雲林周馳乎蘭澤  
節乎江濤掩青蘋游清風陶陽氣蕩春心逐狡獸集輕  
於是極犬馬之才困野獸之足窮相御之智巧恐虎豹  
驚鳥逐馬鳴鑣魚跨麋角履游麕兔蹈踐麋鹿汗流沫墜  
冤伏陵窘無創而死者固足充後乘矣此校獵之至壯也  
太子能彊起游乎太子曰僕病未能也然陽氣見於眉宇  
之同侵淫而上幾滿大宅客見太子有悅色也遂推而進  
之曰冥火薄天兵車雷運旌旗偃蹇羽旄肅紛馳騁角逐  
慕味爭先微墨廣博望之有圻純粹全犧獻之公門太子  
曰善願復聞之客曰未旣於是榛林深澤煙雲闇冥兕虎  
竝作毅武孔猛袒裼身薄白刃礚礚矛戟交錯收穫掌功  
賞賜金帛掩蘋肆若爲牧人席旨酒喜肴羞魚膾炙以御

賓客涌觴並起動心驚耳誠必不悔決絕以諾貞信之色  
形于金石高歌陳唱萬歲無數此真太子之所喜也能彊  
起而游乎太子曰僕甚願從直恐爲諸大夫累耳然而有  
起色矣

客曰將以八月之望與諸侯遠方交游兄弟竝往觀濤乎  
廣陵之曲江至則未見濤之形也徒觀水力之所到則卹  
然足以駭矣觀其所駕軼者所摧拔者所揚汨者所溫汾  
者所滌汔者雖有心略辭給固未能縷形其所由然也恍  
兮忽兮聊兮慄兮混汨汨兮忽兮慌兮俶兮儻兮浩漭漭  
兮慌曠曠兮秉意乎南山通望乎東海虹洞兮蒼天極慮  
乎崖涘流攬無窮歸神日母汨乘流而下降兮或不知其  
所止或紛紜其流折兮忽繆往而不來臨朱汜而遠逝兮  
中虛煩而益怠莫離散而發曙兮内存心而自持於是澡

縑胸中灑練五藏澹澈手足頰濯髮齒榆弃恬怠驗寫澳  
濁分決狐疑發皇耳目當是之時雖有淹病滯疾猶將伸  
偃起蹙發瞽披聾而觀望之也況直眇小煩懣醲醲病酒  
之徒哉故曰發蒙解惑不足以言也太子曰善然則濤何  
氣哉客曰不記也然聞於師曰似神而非者三疾雷聞百  
里江水逆流海水上潮山出內雲日夜不止衍溢漂疾波  
涌而濤起其始起也洪淋淋焉若白鷺之下翔其少進也  
浩浩澄澄如素車白馬帷蓋之張其波涌而雲亂擾擾焉  
如三軍之騰裝其旁作而奔起也飄飄焉如輕車之勒兵  
六駕蛟龍附從太白純馳浩蜺前後絡驛颯颯印印据据  
疆疆莘莘將將壁壘重堅脊雜似軍行訇隱仰臨軋盤涌  
裔原不可當觀其兩傍則湧湧佛鬱閭漠感突上擊下律  
有似勇壯之卒突怒而無畏踰壁衝津窮曲隨隈踰岸出

追遇者死當者壞初發乎或圍之津涯茲珍谷分迴荆青  
簠衛枚檀拒弭節伍子之山通厲胄母之場凌赤岸簪扶  
桑橫奔似雷行誠奮厥武如振如怒沌沌渾渾狀如奔馬  
混混庀庀聲如雷鼓發怒庀沓清升踰跽侯波奮振合戰  
於藉藉之日鳥不及飛魚不及迴獸不及走紛紛異翼波  
涌雲亂蕩取南山背擊北岸覆虧邱陵平夷西畔險險戲  
戲崩壞陂池決勝乃罷滌汨潺湲披揚流灑橫暴之極魚  
鼉失勢顛倒偃側沈沈浚浚蒲伏連延神物怪疑不可勝  
言直使人踣焉洄閭悽愴焉此天下怪異詭觀也太子能  
彊起觀之乎太子曰僕病未能也

客曰將爲太子奏方術之士有資略者若莊周魏牟楊朱  
墨翟便蜎詹何之倫使之論天下之精微理萬物之是非  
孔老覽觀孟子持籌而算之萬不失一此亦天下要言妙

道也。太子豈欲問之乎？於是太子據几而起曰：「渙乎？若一聽聖人辯士之言，忽然汗出，霍然病已。」

曹植七啓

昔枚乘作七發，傅毅作七激，張衡作七辯，崔駰作七依辭，各美麗余有慕之焉。遂作七啓，并命王粲作焉。

元微子隱居大荒之庭，飛邈離俗，澄神定靈，輕祿傲貴，與物無營，耽虛好靜，羨此永生，獨馳思於天雲之際，無物象而能傾。於是鏡機子聞而將往，說焉。駕超野之駒，乘追風之輿，經迴漠山，幽墟入乎泱泱之野，遂屈元微子之所居。其居也，左激水，右高岑，背洞溪，對芳林，冠皮弁，被文裘，出山岫之潛穴，倚峻崖而嬉遊，志飄飄焉，嶢嶢焉，似若狹六合而隘九州，若將飛而未逝，若舉翼而中留。於是鏡機子攀葛藟而登距巖，而立順風而稱曰：「予聞君子不遷俗而

遺名志士不肯世而滅勳今吾子棄道藝之華遺仁義之英耗精神乎虛廓廢人事之紀經譬若畫形於無象造響於無聲未之思乎何所規之不通也元微子俯而應之曰諱有是言乎夫太極之初渾沌未分萬物紛錯與道俱隆蓋有形必朽有跡必窮芒芒元氣孰知其終名穢我身位累我躬竊慕古人之所志仰老莊之遺風假靈龜以託喻甯掉尾於塗中鏡機子曰夫辯言之豔能使窮澤生流枯木發榮庶感靈而激神況近在乎人情僕將爲吾子說俯觀之至娛演聲色之妖靡論變化之至妙敷道德之宏麗願聞之乎元微子曰吾子整身倦世探隱拯沈不遠遐路幸見光臨將敬滌耳以聽玉音

鏡機子曰芳華精輝霜蓄露葵元能素膚肥參臙肌蟬翼之割割纖析微累如疊殼離若散雪輕隨風飛刃不轉切

山鵝斤鵝珠翠之珍  
羣芳蓮之巢龜膾西海之飛鱗  
臚江東之潛鼉臚漢南之鳴鵝  
採以芳酸甘和既醇元冥適鹹  
葍收調辛紫蘭丹椒施和必節  
滋味既殊遺芳射越乃有春清  
縹酒康狄所營應化則變感氣  
而成彈徵則苦發叩宮則甘生  
於是盛以翠樽酌以彫觴浮蟻  
鼎沸酷烈馨香可以和精神可以  
娛腸此肴饌之妙也子能從我  
而食之乎元微子曰予甘藜藿  
未暇此食也

鏡機子曰步光之劍華藻繁縟  
飾以文犀彫以翠綠綴以驪龍  
之珠錯以荆山之玉陸斷犀象  
未足稱雋隨波截鴻水不漸刃  
九疏之冕散耀垂文華組之纓  
從風紛紜佩則結綠懸黎寶之  
妙微符采照爛流景揚輝黼黻  
之服紗縠之裳金華之鳥動趾  
遺光繁飾參差微鮮若霜緹佩  
綢繆或彫或錯薰以幽若流芳  
肆布雍容閑步周旋馳耀南威

爲之解顏西施爲之巧笑此容飾之妙也子能從我而服之乎元微子曰子好毛褐未暇此服也

鏡熒子曰馳騁足用蕩思游微可以娛情僕將爲吾子駕雲龍之飛駟飾玉輅之繁纓垂宛虹之長綏抗招徭之華旌捷忘歸之矢秉繁弱之弓忽躡景而輕驚逸奔驥而超造風於是候填谷塞榛藪平夷緣山置置彌野張罟下無漏跡上無逸飛鳥集獸屯然後會圍獠徒雲布武騎霧散丹旗耀野戈及皓旰曳文狐揜狡兔捎鸛鵲拂振鷺當軌見藉值足遇踐飛軒電逝獸隨輪轉翼不暇張足不及騰動觸飛鋒舉挂輕罾搜林索險探薄窮阻騰山赴壑風厲森舉機不虛發中必飲羽於是人稠網密地逼勢脅哮闕之獸張牙奮鬣志在觸突猛氣不懼乃使北宮東郭之疇生抽豹尾分裂樞肩形不抗手骨不隱拳批熊碎掌拉虎



摧斑野無毛類林無羽羣積獸如陵飛翮成雲於是賦鍾  
鳴鼓收旌弛旆頓網縱網罷獠迴邁駭駭齊驤揚鑾飛沫  
俯倚金較仰撫翠蓋雍容暇豫娛志方外此羽獵之妙也  
子能從我而觀之乎元微子曰予樂恬靜未暇觀也

鏡機子曰閑宮顯敞雲屋皓旰崇景山之高基迎清風而  
立觀彤軒紫柱文檠華梁綺井含葩金墀玉箱溫房則冬  
服絺絺清室則中夏含霜華閣綠雲飛陞陵虛顚眺流星  
仰觀八閤升龍攀而不逮眇天際而高居繁巧神怪變名  
異形班輪無所措其斧斤離婁爲之失睛麗草交植殊品  
詭類綠葉朱榮熙天曜日素水盈沼叢木成林飛翮陵高  
鱗甲隱深於是逍遙暇豫忽若忘歸乃使任子垂釣魏氏  
發機芳餌沈水輕繳弋飛落翳雲之翔鳥援九淵之靈龜  
然後采菱花擢水蘋弄珠綦戲鮫人諷漢廣之所詠觀游

女於水濱耀神景於中止被輕縠之纖羅遺芳烈而靖步  
抗皓手而清歌歌曰望雲際兮有好仇天路長兮往無由  
佩蘭蕙兮爲誰修寡婉絕兮我心愁此宮館之妙也子能  
從我而居之乎元微子曰予眈巖穴未暇居此也

鏡機子曰旣游觀中原逍遙閑宮情放志蕩淫樂未終亦  
將有才人妙妓遺世越俗揚北里之流聲紹陽阿之妙曲  
爾乃街文軒臨洞庭琴瑟交揮左篴右笙鐘鼓俱振簫管  
齊鳴然後姣人乃被文縠之華袿振輕綺之飄飄戴金搖  
之媚耀揚翠羽之雙翹揮流芳耀飛文歷盤鼓煥續紛長  
裾隨風悲歌入雲躋捷若飛蹈虛遠蹠凌躍超驥婉嬋揮  
霍引爾鴈鶴翥戢然鳬沒縱輕體以迅赴景追形而不逮飛  
聲激塵依違厲響才捷若神形難爲象於是爲歡未渫白  
日西頽散樂變飾微步中闈元翬弛兮鉛華落收亂髮兮

鵲蘭澤形婧服兮揚幽若紅顏宜笑睇眄流光時與吾子  
攜手同行踐飛除卽閑房華燭爛熳張動朱脣發清商  
揚羅袂振華裳九秋之夕爲歡未央此聲色之妙也子能  
從我而游之乎元微子曰子願清虛未暇此遊也

鏡機子曰子聞君子樂奮節以顯義烈士甘危軀以成仁  
是以雄俊之徒交黨結倫重氣輕命感分遺身故田光伏  
劍於北燕公叔畢命於西秦果毅輕斷虎步谷風威帽萬  
乘華夏稱雄辭未及終而元微子曰善鏡機子曰此乃游  
俠之徒耳未足稱妙也若夫田文無忌之儔乃上古之俊  
公子也皆飛仁揚義騰躍道藝游心無方抗志雲際凌轢  
諸侯驅馳當世揮袂則九野生風慷慨則氣成虹蜺吾子  
若當此之時能從我而友之乎元微子曰子亮願焉然方  
於大道有累如何

鏡機子曰世有聖宰翼帝霸世同量乾坤等曜日月元化  
參神與靈合契惠澤播於黎苗威靈震乎無外超隆平於  
殷周踵羲皇而齊泰顯朝惟清王道遐均民望如草我澤  
如春河濱無洗耳之士喬岳無巢居之民是以俊又來仕  
觀國之光舉不遺元進各異方讚典禮於辟雍講文德於  
明堂正流俗之華說綜孔氏之舊章散樂移風國富民康  
神應休臻屢獲嘉祥故甘露紛而晨降景星宵而舒光觀  
游龍於神淵聆鳴鳳於高岡此霸道之至隆而雍熙之盛  
際然主上猶以沈恩之未廣懼聲教之未厲采英奇於仄  
陋宣皇明於巖穴此甯子商歌之秋而呂望所以投綸而  
逝也吾子爲太和之民不欲仕陶唐之世乎於是元微子  
攘袂而興曰韡哉言乎近者吾子所述華淫欲以厲我祇  
攬予心至聞天下穆清明君莅國覽盈虛之正義知頑素

之迷惑令子廓爾身輕若飛願反初服從子而歸

張協七命

沖漠公子含華隱曜嘉遯龍盤翫世高蹈游心於浩然玩  
志乎衆妙絕景乎大荒之遐阻吞響乎幽山之窮奧於是  
伯華大夫聞而造焉乃敕雲輅騶飛黃越奔沙轡流霜凌  
扶搖之風躡堅冰之津旌拂霄堦軌出蒼垠天清泠而無  
霞野曠朗而無塵臨重岫而攬轡顧石室而迴輪遂適沖  
漠之所居其居也崢嶸幽謁蕭瑟虛元溟海渾濩涌其後  
嶰谷嶰槽張其前尋竹竦莖蔭其壑百籟羣鳴聳其山衝  
殿發而迴日飛磔起而麗天於是登絕巘邇長風陳辯惑  
之辭命公子於巖中曰蓋聞聖人不卷道而背時智士不  
遺身而匿迹生必耀華名於玉牒歿則勒洪伐於金冊今  
公子違世陸沈避地獨寘有生之歡滅資父之義廢愁洽

百年苦溢千歲何異促鱗之游汀湍短羽之棲翳奮今將  
榮子以天人之大寶悅子以縱性之至娛窮地而游中天  
而居傾四海之歡彈九州之腴鑽屈轅之軀解疏屬之拘  
子欲之乎公子曰大夫不遺來萃荒外雖在不敏敬聽嘉  
話大夫曰寒山之桐出自太冥含黃鐘以吐幹據蒼岑而  
孤生旣乃瓊巘嶒嶸金岸崑崙左當風谷右臨雲谿上無  
陵虛之巢下無跼蹐之蹊搖用峻挺茗逸茗曉晞三春之  
溢露邇九秋之鳴戩零雪寫其根霏霜封其條木旣繁而  
後綠草未素而先凋於是構雲梯陟崢嶸剪蕤賓之陽柯  
剖大呂之陰莖營匠斲其樸伶倫均其聲器舉樂奏促調  
高張音朗號鐘韻清繞梁追逸響於八風采奇律於歸呂  
啓中黃之少宮發葭收之變商若乃龍火西積膾氣初收  
飛霜迎節高風送秋羈旅懷土之徒流宕百罹之疇撫促

柱則酸鼻揮危絃則涕流若乃追清哇赴嚴節奏綠水吐  
白雪激楚迴流風結悲蕤英之朝落悼望舒之夕餞覽廢  
爲之襟標孀老爲之嗚咽王子拂纓而傾耳六馬噓天而  
仰秣此蓋音曲之至妙子豈能從我而聽之乎公子曰余  
病未能也

大夫曰蘭宮祕宇彫堂綺櫳雲屏爛汗瓊壁青葱應門八  
襲旋臺九重表以百常之閤圍以萬雉之墻爾乃嶸榭迎  
風秀出中天翠觀岑青彫閣霞連長翼臨雲飛陞陵山望  
玉繩而結極承倒影而開軒蘋素炳煥粉拱嵯峨陰虬負  
檐陽馬承阿錯以瑤英鏤以金華方疏含秀圓井吐葩重  
殿疊起交綺對楸園堂晝密明室夜朗焦螟飛而風生尺  
蠖動而成響若乃日厭常玩體倦帷幄攜公子而雙游時  
娛觀於林麓登翠阜臨丹谷華草錦繁飛采星燭陽葉春

青陰條秋綠華實代新承意恣歡仰折神葩俯采朝蘭遡  
惠風於蘅薄眷椒塗於瑤壇爾乃浮二翼巖中止潛鯁駭  
驚翰起沈絲結飛矰理挂歸副於赤霄之表出華鱗於紫  
淵之裏然後縱棹隨風弭楫乘波吹孤竹拊雲和淵客唱  
淮南之曲揚人奏采葭之歌歌曰乘鳧舟兮爲水嬉臨芳  
洲兮拔雲芝樂以忘戚游以卒時窮夜爲日畢歲爲期此  
葢宴居之浩麗子豈能從我而處之乎公子曰余病未能  
也

大夫曰若乃白商素節月旣授衣天凝地閉風厲霜飛柔  
條夕勁密葉晨稀將因氣以效殺臨金郊而講師爾乃列  
輕武整戎剛建雲髦啓雄芒駕紅陽之飛鷺鑒唐公之馳  
驅屯羽隊於外林縱輕翼於中荒爾乃布飛蟲張修異陵  
黃岑挂青巒畫長谿以爲限帶流谿以爲開旣乃內無疏



蹊外無漏迹叩鉦數校舉麾旌復設金機馳鳴鎗剪團蒙  
落勁關連騎競驚駢武齊輟倉忽揮霍雲迴風列聲動響  
飛形移景發舉戈林竦揮鋒電滅仰傾雲巢俯殛地穴乃  
有圓文之研斑題之縱鼓鬣風生怒目電睨口蔽霜刃足  
撥飛鋒颯林蹶石扣跋幽叢於是飛黃奮銳賣石逞伎蹙  
封狶債馮豕拉魑魍挫獬廌句爪摧鋸牙掉濶漫復藉傾  
榛倒壑頽嵒挂山偃蹇掩澤藪爲毛林隱爲丹薄於是檄  
圍頓罔卷旆收薦虞人數獸林衡計鮮論最犒勳息馬韜  
弦肴駟連鑣酒駕方軒于鍾電醕萬燧星繁陵阜雷流膏  
谿谷厭芳煙歡極樂殫迴節而旋此亦山游之壯觀子豈  
能從我而爲之乎公子曰余病未能也

大夫曰楚之陽劔歐冶所營耶谿之鉞赤山之精銷踰羊  
頭鑊越鍛成乃鍊乃鑠萬辟千灌豐隆奮椎飛廉扇炭押

器化成陽文陰縵流綺星連浮彩豔發光如散電質如耀  
雪霜鏘水凝冰刃露潔形冠豪曹名珍巨闕指鄭則二軍  
白骨麾晉則千里流血豈徒水截蛟鴻陸澆奔駟斷浮關  
以爲工絕重甲而稱利云爾而已若其靈寶則舒辟無  
方奇鋒異模形震盪蜀光駭風胡價兼三鄉聲貫二都或  
馳名傾秦或夜飛去吳是以功冠萬載威曜無窮搏之者  
無前擁之者身雄可以從服九國橫制八戎爪牙景附函  
夏承風此蓋希世之神兵子豈能從我而服之乎公子曰  
余病未能也

大夫曰天驥之駿逸態超越稟氣靈淵受精皎月眸囀黑  
照元采紺發沫如揮紅汗如振血秦青不能識其衆尺方  
堙不能視其若滅爾乃巾雲軒踐朝霧赴春衢整秋御蚪  
踊螭騰麟超龍翥望山載奔視林載赴氣盛怒發星飛電

駭志陵九州勢越四海影不及形塵不暇起浮箭未移再  
踐千里爾乃踰天垠越地隔過汗漫之所不游躡章亥之  
所未迹陽鳥爲之頓羽夸父爲之投策斯蓋天下之雋乘  
子豈能從我而御之乎公子曰余病未能也

大夫曰大梁之黍瓊山之禾唐稷播其根農帝嘗其華爾  
乃六禽殊珍四膳異肴窮海之錯極陸之毛伊公饌鼎庖  
子揮刀味重九沸和兼勺藥晨鳧露鵠霜鴝黃雀圍案星  
亂方丈華錯封熊之蹠翰音之趾鸞髀猩脣髦麋象白靈  
淵之龜萊黃之鮐丹穴之鸚元豹之胎燁以秋橙醑以春  
梅接以商王之箸承以帝辛之杯范公之鱗出自九溪蘋  
尾丹鯉紫翼青鬚爾乃命支離飛霜鍔紅肌綺散素膚雪  
落婁子之豪不能厠其細秋暉之翼不足擬其薄繁肴旣  
闕亦有寒羞商山之果漢皋之槎析龍眼之房剖椰子之

穀芳旨萬選承意代奏乃有荆南烏程豫北可葉浮蟻星  
沸飛華萍接元石嘗其味儀氏進其法傾囷一朝可以流  
瀝千日單醪投川可使三軍告捷斯人神之所歆羨觀聽  
之所煒燁也子豈能彊起而御之乎公子曰耽口爽之饌  
甘腊毒之味服腐腸之藥御亡國之器雖予大夫之所榮  
故亦吾人之所畏余病未能也

大夫曰蓋有晉之融皇風也金華啓徵大人有作繼明代  
照配天光宅其基德也隆於姬公之處岐其垂仁也富乎  
有殷之在亳南箕之風不能暢其化離畢之雲無以豐其  
澤皇道煥炳帝載緝熙導氣以樂宣德以詩教清於雲官  
之世治穆乎鳥紀之時王猷四塞函夏謐甯丹冥投烽青  
微穉警却馬於糞車之轍銘德於昆吳之鼎羣萌反素時  
文載郁耕父推畔魚豎讓陸樵夫恥危冠之飾興臺笑短

後之服六合時豈巍巍蕩蕩元韶巷歌黃髮擊壤解義皇  
之繩錯陶唐之象若乃華裔之夷流荒之貊語不傳於輶  
軒地不被乎正朔莫不駿奔稽顙委質重譯於時昆蛟感  
惠無思不擾苑戲九尾之畝圓棲三足之鳥鳴鳳在牀穆  
於黃帝之園有龍游洲盈於孔甲之沼萬物烟煴天地交  
泰義懷靡內化感無外林無被褐山無韋帶皆象刻於百  
工兆發乎靈蔡措紉濟濟軒冕謁謁功與造化爭流德與  
二儀比大言未終公子蹶然而興曰鄙夫固陋守此狂狷  
蓋理有毀之而爭寶之訟解言有怒之而齊王之疾痊向  
子誘我以聾耳之樂棲我以諷家之屋田游馳蕩利刃駁  
足旣老氏之攸戒非吾人之所欲故靡得而應子至聞皇  
風載馳時聖道淳舉實爲秋摘藻爲春下有可封之民上  
有大哉之君余雖不敏請尋後塵

賦鈔卷一